

蘅石齋詩集

卷三十四至卷四十一



07285

蘧石齋詩集卷第三十四

秀水鍾錢書載巖坤

題劉文靖公屏山集

而建嶠所

先生誠樂道抒寫何清雄蓋有用世才而多靜退風旣歸主
冲佑遂自號病翁家園緬潭溪一十七年中蚤孤朱氏子灑
掃及成童字之祝曾顏聖傳以無窮流涕表墓文老矣述先
公莫報父與師尚難罄其衷

題馮少司農小影卷子

夢堂君自號聞聲年復年我年行六十相見各忻然宦遊早
南國句在佳山川農官晚感知鵠立直

講筵小身偶倩寫見於梅花前數竿綠竹亞千尺喬松連照
之水澄川仰焉月在天而人于其閒適與相周旋老來詩更

蘧石齋詩集卷三十四

好清稟君獨全我且問梅花試茗分山泉

姚秋曹寓堂分賦之題曹中允盡賦之遂如數以
和而存其二

煮雪

可待消爲水旋教試以茶山泉應不後煎茶水記雪水第二十風味殆無
加折腳鎚燒葉穿心罐汎花一甌春自暖簾外又蜂衙

堆雪

掃地番番積和冰疊疊寒先將高樹擁暫作假山看團起玉
獅子雕空火判官卽非上元近竹爆劇生歡

題僧求聞爲母櫛髮圖

墨者夷之厚葬親降衷厥有墨亦人治岐政遙老逮佛天若
收養四者民攜孤捨寺彼何好乞食聊活無家身告子雖如

劇畚頤與孃直是齋僧因有兒有兒髡則僧母坐背僧鬢如銀跪僧于後櫛母髮一梳半梳蕭蕭勻兒雖無髮母則真母尚有髮櫛且頻佛當見之笑不嗔是中有性繫大倫楊墨之歸皆可仁佛老之入初以貧焉得世無一兒貧在家奉母鬢髻新

飲蘇米齋是銷寒第三會以同人姓惟陸秋曹仄聲限陸字成五言仄體

凍雪緩驢車明燈喧竹屋才非大歷錢坐有東吳陸九九候占三林林香動谷諸君酒畔心遠與春相逐

集散木菴巖侍讀已買得鞏忠烈公兩玉印出觀復爲歌之

秦遊橐金歸豈多急此恐誤他人磨昨爲言之今已得激昂

獲石齋詩集卷三十四

二

使我成悲歌我歌直爲鞏永固我悲不獨鞏永固茫茫天地忠義人舊物流傳孰如故大江月照揚州城中有樂安玉印明明年君歸攜此行兩印百年猶在京問何去去江南程玉雖有字曾無聲願君與購貴主印後先漂轉重合并香檀作匣蓋刻銘志趣差同號與名夫婦于人本不輕況其家國關死生

雪夜集陸秋曹元寄廬出觀文裕公玉舜詩墨蹟卷疊至累十首玉舜白槿花也公題之爲玉舜云

遂次韻

本來佩玉比同車欲賦翻愁鬢已華君子國方明夜雪山香曲任墜秋霞侍郎斐句珠連琲憲部蕭窻月照沙榮落雖齊顏狀別孟姜應不讓無垓

癸巳

端範堂賦

齋宿更番夢亦安迎春卽漸氣猶寒掃除蘇院供連步裁翦
花林待好看天意屢豐重降雪

聖人元日又升

壇捷書僂指來巴微凱入都城萬井歡

散木菴茶話

菴前有木木無陰木上惟聞啄木音人日敬之逢國忌天風
聊以盍朋簪昭文鼓亦龍鍾罷定武瓷還雀舌斟排日看春
春是閏三旬不換億黃金

題程選部三長物齋

三長物者懷仁集石軍書宋楊本吾郡項子京所會藏蘇文忠東井硯明宣德龍香

御墨及羅小華以後諸家所造墨

蕩石齋詩集卷三十四

三

借宅朱公豈定居

君房師今安徽朱學使

笑人題額照春初田園別後黃

金盡科第成來白髮疎六尺簞旁真富有五經笥外太紛如
愁他硯墨隨佳刻只是先生不善書

上元夜集曹中允齋

深坐屏山看掩扉紅燈也自護芳菲不教剪剪風頻起渾忘
團團月稍微羣戲兒猶搗鼓去小家女定走橋歸昇平博得
衰年樂已換淋漓舊酒衣

集姚秋曹寓堂

小南城近數歸鴉白玉池迥遣駐車官裏光陰閒幾輩臙前
風雪醉君家游韉覓共春天句畫榭看多閏月花爲樂及時
聞自古卽非秉燭本無涯

題吳州牧瑣蘇門聽泉圖

畫時爲衛輝書院院長

颯颯天風吹嘯臺，猗猗修竹入雲栽。百門泉落層峯遠，安樂窩臨獨客來。洛下臯比分講席，江南桑苧試茶杯。冥心直會超然意，阮籍何嘗是雋才。

花朝雪集蘇米齋限雪字

御園儼直散海淀，朋尊設已向作花朝。且當賞春雪，先飲于慶堂小墅

重城鞭馬遲晚巷，投君切何以近招。邀于焉復羅列，閨將三月。埃嘿對百花，說風淺差不寒雪。輕頗相潔，夜景接碧虛簷。端罷飄瞥此時沙水，閒遍有草芽苗。

次韻馮少司農舊養盆梅初花

不記唐花隔歲因，未枯今是適然身。也蒙水澤多加意，纔及陽和自見真。真林外分明入窻，月座閒老大出山人。石臺風峭凌晨供博得，誰來句更新。

韓石齋詩集卷三十四

四

次韻馮少司農春雪

天知春閨尙多雪，人伴老梅方好顏。麥隴况催民氣樂，草堂翻肯酒尊慳。東風鄰巷白猶白，南浣水雲斑復斑。贏得鳳城傳句入玉花，不謂此翁寒。

送張太守鳳孫之任滇南

同徵好夜會三人，申光祿招同太守飲難得雙燈照。百巡白石青松商結

夏碧雞金馬，又班春詩歌早已通于政。禮教仍煩及我民，山色范村多老計。有漁航處可垂綸。

清明後一日蔣少司農招集文肅公賜第北臺馮

少司農有望積水潭一帶柳色之作次其韻

似我何由鬢雪銷，看伊臨水又垂條。山光城上愁風雨，人影欄前泥管簫。高會也知三月僅，故情難忘十年饒。不須跨馬

穿陰去更遣嘶風踢絮驕

飲馮少司農檀藥草堂前海棠下賦

丁子香中傍碧紗川紅名好屬君家非關老去耽于酒直爲
年來對此花半樹夕陽憐不足滿庭朝雨畫無加相畱只合
停歸騎點與銀燈坐影斜

沈太守維基寓居法源寺招看海棠飲其齋

官冷惟誇與寺鄰君來也得及花辰算將四紀曾同榜話若
三生豈後身夢裏浙西山不斷佛前薊北酒還頻何妨白髮
臙脂朶采摘相看插鬢新

城南修禊詩二首

右安近可出緩轡輪無馳我亦信所如僕猶問何之豈曰沉
流水祓除重及茲煙坳被宿雨村落明芳蕤草橋瀉萬泉上

檀石齋詩集卷三十四

五

下深于陂疏鑿蒙

帝力來觀方得知職閒性頗適歲登物各嬉因是向春風手
寧莫誰貽

周甲已踰六閏三月四經歲生康熙戊子九月是歲閏二月柳陰望南岸禊事在

西洽丙寅閏三月二日杭人邀集西湖效蘭亭體賦詩勿勿廿幾春閏三語復聆諸孫幼隨

侍成此兩鬢星小水碧多光遙山煖欲冥乃瞻翁家歸不使
越酒停時序皆足欣非徒忘其形好風一客醉雜坐羣公醒

曹少卿學閑招看法源寺海棠設齋晚過徐太守

良寮西寓居飲

紅棠西寺好枝柯日日來看不厭多春色況于光祿最花陰
其奈太常何有情菩薩暫持戒落日接離仍唱歌匱匣如巢
問徐老頻年此地卽行窩

奉題座右贈尚書鄒公爲侍御夢臯山水小幅遺

墨

祝

釐赴闕乍踰冬八十七翁新病容歸好緩移春水舫夢長

俄破曉天鐘畫畱同姓臨分頃哭憶先師閒出蹤無錫山光

挈樽榼幾時淚灑墓門松

同人法源寺分詠得海棠

花卽扉頻叩春曾句幾傳佛香深與染人意老爲顛碧辭齊

鋪院高槐半爨煙如何禁愛惜落片到闌前

靜宜園曉直飯于馮少司農山舍

沿山急雨天光澹策馬長風樹影疎瓊闥翠微人立迴繚垣

紅萼鳥飛初廊陰滴響寒生體磴道穿流溼在裾有頃巖凹

趨且散炊煙一縷問村居

送別嚴侍讀長明

閏春春駐又闌春踴躅曼歸問去津掌誥十年曾不達收書

萬卷竟非貧心依屋角鍾山老手種墳頭柏樹新文會城南

猶寡侶奈何先托寄將頻

質郡王畫綠牡丹并題陳秋曹朗持示屬次韻題

三十三天蔚藍一枝初翦許人看郭崇炬嘗畫翦牡丹本來歐碧壓櫻

艷何似鞞紅當峭寒西苑露光南苑露金鈎欄影玉鈎欄都

緣供作昇平曲於幅之上方竝得瞻諸皇子皇孫所題花外新絃不住彈

右安門外小圃偕程選部翁學使曹中允

歡言出西郭移目獨相違露晚蘭叢敗風池藕葉稀是情皆

近幻何化不終歸柳上蟬初蛻催人著紵衣時余第五孫善初天甫駒句

趨且散炊煙一縷問村居

哭第五孫

十八回圓月天青月又斜玉環呼乳母便即返羊家

善初天以四月廿三

日明夕夢于其兄云去李家也

蔣農部榮昌招入法源寺避暑設齋

雙樹晝生陰名流坐向深外閒河朔讌此味涅槃心老蘇穿牆水微颺下砌禽同龕彌勒可笑我已無今

圖塞里學士野圃同程選部翁學使曹參議

又築平臺接小樓天青日極使銷憂開河乍下諸山水殖穀齊登兩岸秋薛壁有題行且讀松醪能醉臥還酬轆轤汲井添方沼難得蓮花已過頭

為陳秋曹朗題其曾祖虞山逸叟澳湘江圖粉本

畫稿橫看丈二餘百年神物何蕭疎長沙城西雪後雪回雁

蘄石齋詩集卷三十四

七

峯陰漁父漁老墨盡圖水經注寒林舊在虞山居為告賢孫王繹語宣和似此也嘗儲

再哭善初

病多亦復起連番隔牖常時與笑喧仙李不知居某郡石麟須記是吾孫庸醫既誤難追咎老淚雖乾尚忍言歷夏盡秋詩思斷世閒安得少煩冤

內閣曉坐

簾靜初陽透爐温側坐深臣難浩然氣

上有一哉心乾隆九年賜調和元氣四字額恭懸于堂擬票批紅掌參知鑷白臨被蒙

何以報豈敢戀華簪

甲午

奉題 質郡王畫卷

涼生風落石庭虛靜寄軒中滌硯初衆史俱來圖十二天機
獨造致清疎早聞設有嘉賓醴比想藏多善本書老樹臨江
遠山隔當年嬾瓊意何如

小庭桃樹作花翁編修方綱朱編修筠曹贊善仁

虎程選部晉芳姚秋曹甫過飲翁編修有詩竝及

余正月以來爲丁辛老屋厚石齋編次遺集奉答

二首

忽忽春正寵客杯家人急訃音來從叔祖太傅公以正月七日薨于里第已教淚

眼兼旬溼何取花枝滿院開生理自尋還共對韶光相借亦

頻催榆錢柳絮城外又見清明上塚回

桃樹出牆秋復春風吹老種桃身孤燈幾夜看遺稿小縣

當年有俊人癡絕尙奢千古望落然誰了一生因神仙官府

堯石齋詩集卷三十四

文章伯爛醉花陰始是真

劉文正公挽詞二首

乙巳迴思切迢遙仰止崇南歸家太傅冬夜說明公教習壬

申見編摩丙戌充本朝文獻續所考詎能同

內閣纔趨直中堂數與言寧須到衣食頗已及兒孫一旦超

然返千秋大者存哭私吾豈敢寂莫向乾坤

清明後四日蔣少司農招集北臺感懷劉文定公

裘文達公

依然隄樹遠臺新笑我臺端作酒人去歲簪裾儼分坐今朝

心眼豈迷因黃粱熟後難重夢杜宇啼來又一春僥倖天公

乞斜照有花枝處便鋪茵

翁編修方綱購得吳興施元之吳郡顧景蕃註東

坡先生詩宋槧本卽宋中丞得之常熟毛氏者屬

題二首

嘉泰蘇詩缺未湮商邱補注刻重新頭銜在昔雖嘗轉元之子宿增注

而刻面目于今已不真天地閒元惜殘本慈仁寺復購良因

王文簡每購書于慈仁寺攤杜韓脫落由來事憑仗歐陽亦仗陳

借瓶還瓶子與吾吾家敝簾不曾無攜將山谷任天社伴以

荆公李雁湖棐几崢嶸三鼎足草堂磊落一書廚人閒若有

斜川集更欲題詩相笑娛

草橋修禊詩十二首

仍煩挈榼與提壺天又無風淨綠蕪敢道杖鄉行杖國今朝

真箇短筇扶

新衣早起羨前除昨夜商量正不疎一輛諸孫難雜坐借車

獲石齋詩集卷三十四

九

先乞老尚書無錫補先生借一車

相喚相磨各爲春豐宜十里百花新老懷無藉今年甚也著

工夫學晉人

迴塘上下引泉遙錫擔元君廟口簫新柳東西分岸種人來

萬福寺前橋

拍岸春波撥刺開樹頭新雨故飛迴韶華本是昇平景魚鳥

猶知繪畫來

嫩綠高圍午散陰中央薜地直煙濤花師卻也堪人意數席

非遙煖酒深朱竹君編修使村之種花者供左右

洛溪風光百福宜朝賢談論一村奇春陰且不匆匆雨好事

多于恰恰時披拂長條映照花諸郎列侍有諸家不辭岸曠天風起他日

憑將此會誇

右安門近藝香稠村不畱人客自遊但結玩芳亭子住可無

鄰曲趙參謀

丁香院落酒重行磬折舟旋倚少卿晚雨儘停深巷騎翁家

不負去年情

歸飲子曹慕堂大僕邸

城上西山笑客曾笑余禊飲太曹騰曹家酒似翁家醉明歲

誰家賤更勝

有限春心不盡刪老顛何苦鬢雙斑文章華國須公等絳纈

分明四座閒

座有紀曉嵐陸耳山兩侍讀為四庫全書總纂翁覃溪朱竹君林子宜三編修姚姬川程魚門任子田三部曹周書倉進士皆四庫全書纂修

曉入法源寺看海棠

高閣西頭行復行叢枝繁萼照檐明夜來蝴蝶尚畱夢院外

轆轤方轉聲何似錦官加漠漠祇愁天女竝盈盈青蕪一片

蘼石齋詩集卷三十四

十

紅陰動老我猶難欠此情

徐太守良寓居法源寺西院五年昨扶病南歸今

晨入寺海棠已謝復至其處感賦

歲歲看花愁不寤時時訪友病今歸安驅大路風鳴驛久住

空房日隱扉素髮丹顏終再見江干海角孰相依紅棠滿地

難輕踢老鶴投林只自飛

穉石齋詩集卷第三十五

秀水 錢 載 坤一

朱編修筠招同人看呂家紫藤花卽飲花下爲作歌

學使腳踢黃山歸江南眼飽芳菲祇無后土麗姝下何有
給孤狂蔓圍依然剝啄街東扉藤陰蝴蝶堂前飛甲申之三

丁亥六錦箋斑管人都非君兩度招看此花前限三字後限六字賦詩甲申之會劉侍郎關三注選部厚石俱逃矣而趙舍人藤花勿愁今日錯藤花且留明日落彩

翠懸羽干流蘇光明寶珠萬瓔珞帽簷儘知香漠漠簾額已
辭寒薄薄名流跌宕衰態俱宏獎恢張盛筵託青天深覆高

枝柯華燈上照新綺羅喜君徑爲花底飲勸我續作花閒歌
春書自長春夜短先生未老門生多門生列坐酒行多漏沈

穉石齋詩集卷三十五 一

沈分奈花何

城南餞春四首 并序

出水定門十里登土山上野亭予以延眺予以餞春斜日迴
車僕夫攜酒憇飲于何氏丙舍期我同人者朱編修竹君三
月廿四是爲甲午之春盡日

鞭牛京尹乍趨埃韋曲林園幾門杯芳草落花都不管始從芳草去又

逐落花回長沙岑禪師語登山臨水卻重來銷魂記室從頭寫刻意司勳滿
手栽我欲贈之何以贈采香人未上豐臺

無限低回悵望中闌干亭角寂寥空黃梅子定江南雨苦棟
花真廿四風後夜月明千里隔故人頭白一心同更番正復

年年事未免東流只向東

肅肅東風儼上征故應雲蓋導幡旌天皇大帝居高理大皞

勾芒報政成細甚鶯花判昔夢紛然兒女奈今情車輪四角
方蹄馬算與春牽總不明

斜日急風猶自寒煙垞草舍儘教寬何人不感周家柏此曲
終憑張女彈竹葉飛騰金瓊凸楊花嬾因雪球團誠知春好
元相繫豈忘愁來遂有端

諸君約遊豐臺看芍藥以直不赴賦簡

老去春歸當夢看袂衣輕暖又輕寒省中獨坐槐陰靜城外
相思露色溥上客綺筵銀鑿落舊家瑤榭碧欄干晚風十里
鞭梢躡欲別櫻香可是難

黃文節公小像

銀河飛落三千尺古潭噴薄盤陀石翠壁交撐陰黯淡丹楓
倒挂秋蕭撼兀坐西江詩派祖烏帽方袍手捉塵我所思兮

蘄石齋詩集卷三十五

二

王右丞誰其畫者李晞古元豐之年此懷徭太和之令初頡

頡公行及強面非瘦唐也甫壯筆已蒼李唐建炎間授成忠郎年近八
十文節元豐三年遊廬山方任

太和則唐之爲公爲
此當在三十許歲時蒼然儻然萬物表戎州宜州後難道唐筆不

入時人眼公面頗遭俗人憐李唐句早知不入時人眼多買臙脂畫壯
丹文節自作戎州寫真贊云頗遭俗人憐

牛往嘗寫伯時努力何因食細草不如畱此終讀書太白聞

之爲絕倒屏風高張玉文孤布水不響游氛無我今蘸墨爲
公起題作廬山觀瀑圖

固節驛晚發

君恩又長鹿鳴筵搥鼓章江渡口船畿縣黍梁行熟矣使臣

鬢鬢太蕭然紆迴永念平生事悲苦空尋廿八年只有西山

青似舊見公攬轡與周旋丁卯正月先大夫棄諸孤百日後不孝載貧不能
居入京師六月從叔祖文瑞公奉命典江西

試遂攜載至
豫章而還浙

傳舍

傳舍何年定，蓮廬一夢頰。迢遙仍此路，寂寞莫誰言。楊柳風中騎，琉璃水上村。早蟬鳴復噪，未解我思存。

槐花

刺眼傷心樹，奈何高天落日爲公歌。槐花歲更官街植，舉子身曾驛馬馱。驟雨征衣零夢慘，新涼旅館碎陰羅。素冠況對離家乍，紅蠟偏聞苦語多。

甘露寺

瞻曠

紫宮左泉深，陂且長雙槐。入門古一夜，近霄涼。父老團村社，春秋拜藥王。最先驅沴氣，不待飲甘漿。

雄縣店是文端公丁卯典試江西宿處

堯石齋詩集卷三十五

三

宛見長廊晚，都關短楫遲。橫流陸程改，小歇暑庭隨。天壤無涯慕，山河有定悲。不須難就寢，儻值夢來時。

汶上

浩浩塵千里，飄飄髮一簪。東阿山翠老，舊縣昨宵陰。店小人重宿，蟬涼樹自吟。汶流南與北，可道兩般深。

三謁孟子廟

從祖攜來謁，悠悠竟暮年。井流清有月，柏蔭翠多煙。夫子道終古，嶧山秋肅然。談王于霸後，數過俟夫天。

夜行將至柳前作

柳前跋馬經三度，雨後題詩剩一心。滕縣南來衆山靜，徐州東下大河深。浮生那必關天地，轉瞬真憐卽古今。明月落將滄海外，暫教不見鬢毛侵。

高粱詞

徐州夾溝螞蚱飛不食豆偏食我高粱
符離淹我黃水黃上頭急開滾水填
滾水入野勢更長嗟嗟高粱高粱難為
官亦見我在道旁

濠梁驛宿乙酉典試江南宿處

淮上是誰家新涼俯北涯風迴嚙城
水草長泊檣沙屋樣年曾記檐端月
不賒一尊來縣尹京邸話何嘉

驛今屬鳳陽廣西于生萬培合此

紅心驛哭文端公二首

丁卯王程喚我隨後來乙酉奉公詩
清淮老柳今還值天上人間已獨悲
步步經由曾不夢心心教督更無師
滂沱老淚歛斜墨薜壁能勝盡灑之

公今碧落我塵埃白髮秋風轉益哀
一字未從行述改半年

蕪石齋詩集卷三十五

四

猶欠輓詞裁媿于往昔無傳筆敢以
征途有薦杯省墓幸蒙旬日假帷前
拜像見歸來

定遠

鄉居魯子敬流寓尉遲恭高下岡原
勢疎蕪草木容侯王如有種戰陣乃
多庸

明郭子興李善長沐英吳良馬國用胡海藍玉暨張銓楊國興諸武者多出定遠

好在槎枒翠

秋來淡不濃

宿舒城

再到朱公治長懷母氏恩愛之嚴幼
日鞠我力衰門月靜婆雷語風來主
簿原吹他三堰水并作淚潺湲

次北峽關觀文端公所畱秋日山行
作墨蹟軸感

賦

舒城曉別向桐城遷迤青山入曲行人被

主恩如問舊地雷公蹟孰口盟羊曇只解生存處杜甫猶關
寂莫名天路迢迢須整轡白頭小子白嵯嶮

近青山驛沿潛山麓三十里入山谷尋石牛天已
昏黑小吏云在隔水草中同遊者蕭檢討廣運

名山僧既占名人來借山其人慧且傑專已性若慳不與古
雷同獨闢天地閒時賢遂和之文字娛其閒今朝客此借實
爲雙井謾涉水歷村落行田越岡巒無雨風故涼有雲日已
殘登頓再三云導之徑右盤如洞巨石疊是湖微泉乾腳踏
諸公題天影俯徒觀老僧吹細火小吏指荒菅謂牛伏于彼
我亦舍之還皖公峭且排鐵色石不頑嶮嶮而崩劣頗亦藏
神茲好奇酷搜趾必欲驚塵顏豈知洩秀靈去落龍眠鸞才
人寂寞懷寄托非所艱造物輒聽之傳會憑存刪縣中迎炬

石齋詩集卷三十五

五

遙露葉穿沙灣堤上簇馬遲長橋出重灘

登東山寺

馮茂山頭寺黃梅驛裏人笱輿京重露苔磴曠無鄰已了栽
松事難空借宿因有情天地大俱是幻泡身

渡潯陽江追和文端公庚午再典江西試還朝
渡此閱京兆題名錄知被放賦寄韻

微倖如公自九天竭來步步見因緣心依兜率初歸上淚落
匡廬晚照邊失路儒生通繫念無家族子輒蒙篇皇華此日
成私感錢後諸人爲共傳

重遊東林寺王文成公次邵二泉韻詩已刻石墨
蹟壁已壞寺僧出觀文端公丁卯次韻詩庚午再
過所錄碧牋因取畫蓮幅寫了卯同作詩于上付

之再用韻

山遊何用傳詩草豈謂山靈盡知好十八高賢久已非疎林
只待秋霜老武夷君唱人閒哀姚江節鉞章江開壁閒墨寶
成終壞門外錢生去復來香爐之峯頻矯首嘗其茶甌不同
酒風雨劫外公當仙廿八年前吾已朽殘僧兩三立荒庭藕
葉出花如江汀匡君畱與山匡姓任爾匡山青不青

過西林寺

東林樹尚深綠馬馬亦涼西林樹甚疎種稻稻已黃西寺較
東寺獨立寶塔長東僧讓西僧未老魯毛蒼廚炊本兩家禮
誦分兩堂檀樂一秋塢芙蓉一佛香中間指一突日落慧遠
藏似有蟪蛄鳴寂寞不可當我身山之陰我心山之陽

題南浦驛館後臥桑

薤白齋詩集卷三十五

矮山圍屋斷檐豁桑枝壓檐瓦松活百年夜黑雷以風株仆
榦撐根不拔橫庭塞砌落其黃丈餘身老貼地長鴉音突來
鳩羽去鐵骨自壽苔皮蒼有三別樹藤葛纏皆過桑枝高出
榜所難挺立乃羸臥豈曰天乎非性然引泉漑之起堡護館
人館人荒穢除會須愛惜散材閒那比扶持大厦具

楊柳津

山翠積南康秋更出建昌沙平隨燭影水動見星光敗艇便
于習生衣健在涼鷺鷥何處宿我欲種垂楊飛來幾點鷺鷥雪問取
皆云楊柳津丁卯遊此

至南昌館于百花洲上

江城山見水周林曲榭長橋趁碧潯此地重來如破夢當年
共話有知音感總憲金先生欄前風露添荷氣眼外徐蘇剩柳陰行路

不勞偏小病紛吾塵事怯關心

西江試院雙桂歌

百千枝青萬葉黃南昌郡中深院香西階葉暗東階倍桂之
樹兮出檐長丁卯文端公手植二十八年載斯卽徽幸蒙
恩也北來從容取士仍南國嗟公挈我遊是邦廬山移樹踰
章江公歸家居桂長大風高月滿今當臆公乎逝矣我重見
見樹思公淚如霰荆合齋遙空所瞻奎宿堂清那不戀森然
雲挺記吾家十丈扶疎雙蔭嘉正煩冰雪經呵護自與文章
閱歲華

東齋夜起

月影中庭直燈光四壁清幾宵難獨坐雙眼有諸生親老何
他望門寒不一情斯文先德行

堽石齋詩集卷三十五

七

上帝已權衡

別雙桂

踰月蒙高蔭兼旬領細香壁奎聯衆宿左右在斯堂小子來
何暮先公樹不忘酒澆曾與祝金粟表南疆

百花洲燕席感賦二首

野萃聽後仗羣賢好我如何卻此筵扇影衫痕秋水柳絲
荷蓋夜燈前亦知馬祖難成佛誰信文簫易得仙鱸取湖中
魚味美深杯儘耐百分傳

卯歲庚年又九秋瓊瑜舞遍只芳洲

君恩實有臣家事四座翻催一客愁天上公歸星緯爛漢南
樹老露華流酒悲已被哀絃覺詩好仍煩素壁畱

皆有詩
刻于壁

丁卯庚午文端
公兩燕百花洲

舟發南昌

滕王閣下江驚眠東北風大秋無邊不住而住一宵雨可行
則行三板船村村碧樹溼濃淡岸岸虛沙黃斷連未得佛家

高檻凭舊情其敢付茫然

丁卯秋夜隨文端公陪馮侍御金學使彭方伯登北蘭寺之秋屏閣載有詩云沙軟江斜竹選青夜

遙相喚入禪局燭光林影棲鴉起靈氣盡聲落桂馨朱閣從容秋士展碧霄清切使臣星待懸曉日關千上看盡西山十二屏今登閣者准載在矣

餘干

彭蠡之上游趨越水方西渺想萬春山城豈白雲齊迴瞻羊
角峯前指弋陽溪琵琶洲如何沙淺略可稽彼美胡先生講
道清蒿藜拜墓不果耐安樂鄉難躋側聞松柏行鬱鬱相高
低

雲錦溪寫望

溪雲散無際古堞朝暉餘迴見西北岑不知誰讀書其陽半

蓮石齋詩集卷三十五

林麓焉得水木居歌詩到虞揭主客一蕭疎秋容澹若此畫
勝方壺初

薊溪詞

西流欲千里中有龍虎蹲三十二福地乃居雷侯孫西江多
道家靈蹟往往存山水使之然儒者亦具論落落白石閒青
青長松根我其成獨寐并忘歌與言奈何張伯雨不及虞道
園采采鬱金香中洲鷺飛翻

船緩

船緩溪三折城寒石四遭緣夫沙上遠堦舍樹陰高

石阻

貴溪城之隔溪皆石遠也

石阻溪迴雪激湍一重灘作兩重灘可憐碧玉瀟瀟響纔下
灘門上便難

水碓

車輪轉不歇鴉背啄不停廿年塵滾滾那不覺都星

弋陽歌

人家弋江北縣小城生煙若復問葛陽猶當說孫權龜峯又
連峯蒼紫不可數窈窕曳秋雲峻嶒濯秋露迴風午送涼驟
雨晚生暖鳥下弋陽溪人來弋陽館辛苦弋陽人寶祐在丙
辰

宿弋江東

纔離弋陽城灣灣泊已成船人黑相語岸火細多生上水鄉
心急連宵野夢清新腔絃拉雜宛是海鹽聲

竹筏歌

竹筏如梭點竹篙鷓鴣拍翅下銀濤棕衣絕不簔衣破趁水

藤石齋詩集卷三十五

九

兼他趁雨豪

灘行雨點不止望南岸諸峯斷續

遠與弋江別饒江猶在東稀疎仍瑟瑟歷落太溟濛身入秋
雲裏船行畫卷中相思不相見比似隔簾櫳

過弋陽六七十里感賦五首

一段一灣碧玉春千峯千朶金蓉新天公大不輕兒戲著此
溪山實賺人

雨溼溪容茶竈前雨飛峯翠酒杯邊昔來大叫增狂劇今亦
相看欲少年

船頭久立晚煙橫拚與諸峯一盡情弋字涯東聯句處灘聲
已是斷腸聲丁卯隨文瑞句
灘行還浙聯句

昨日晴風今雨風風行風止我方東 天恩特地重經此山

迥溪長一哭公
未必名山盡解愁
人生難得國恩酬
清灘自把工夫惜
只趁來風不住流

小泊作碧灘歌二首

碧灘如玉更如苔
山色歌聲天影開
唱得權郎風水便
這回去又那回來

碧灘碧灘溪盡通
溪月溪花出釣篷
嫁箇溪娃溪裏住
不教乘水復乘風

灘舟都不使女子

將至鉛山

諸城皆北列
鉛山獨南置
溪駛山復高
嘗聞全相寺
稼軒遺舊祠
疊山集同志
空聲出霄分
暗響及臥次
三更逾悲悽
一寺盡詫異
謝公起而言
是乃辛公至
枋得見君父
當雪平生

擗石齋詩集卷三十五

十

事秉燭遂作文
旦則祭于位
忠獻與鄂王
舉以匹忠義
此事傳有無
望望感所值
霏霏雨不開
漠漠煙如寐
何處渺鵝湖
三峯鬱然翠

廣信舟中曉起

霽色推蓬遠
芙蓉照好顏
水歸彭蠡水
山似浙江山
寒欲催秋盡
鄉真數日還
何如陸鴻漸
采摘翠微間

崙溪

歸路輕千里
愁心過百灘
仲長元占樂
鮑照未云難
雨止碧山溼
村深紅樹寒
船家爲酌酒
我又醉無端

蘄石齋詩集卷第三十六

秀水 錢載 坤一

將至衢州

草坪人已返直放下灘船老識三义路重逢十月天溪寒茶
味澹山靜橘香鮮未必無童子棋聲落照邊

看采橘

葉綠紅藏顆枝繁重壓極頭籠上聲勻滿面面墜高斜婦
女攜還立兒童拾又譁東西山兩岸客舫正依沙

岸岸

岸岸橘枝攀村村柏葉殷衢州人自好秀水我應還清氣天
臨地遠情江送山船牕一無事目極不知閒

龍邱歌

蘄石齋詩集卷三十六

一

漢有賢兮龍邱長不仕莽兮邱是藏會稽侯吏道相望邱九
石兮芙蓉青二百里兮桐江激君之我友巖子陵

柏子歌

紅樹樹江漪漪寒風厲實纍纍采而治之宵有輝越之葛吳
之桑柏之光于廟堂郊壇升兮大饗張龍虎鎗兮壽而康貴
人誰家少明月明月落兮蘭膏發綺筵珠翠光流髮書生不
得甕牖空螢火不及績婦功菜油燄兮家家同

下灘歌

上灘固不易下灘豈不難待得上船盡方得下船安下况逆
風上順風帆帆逼來飽張弓輕猶晚前繚費手重翻推後篙
加工下船尤難亦非一前衝後撞那齊出祇論前後無重輕
最在疾徐有凶吉前船俱下下我船尺水送勢為平川船人

小心敢孟浪下灘上灘都怕先

後下灘歌

一船去一船來灘濶水寬船兩開上灘船浮若鳧下灘船飛若梭船子快意各不歌浙江之灘本平易多船少船乃相異頃者云難姑且寘船頭遠山脊翠低船尾鈎月搖玻璃來船今夜泊何處我船明日到蘭溪

舟中曉起

山淡旭光出水寒煙氣蒸倚蓬忘盥漱綠岸信呼磨昨夜溼紅樹初冬荒碧塍叱牛人太早對客飯何曾

迴憶

迴憶灘行好西江又浙江一般山黛色千里權歌腔住合仙家徧觀如書卷雙青鬢溪上女生小在名邦

蘿石齋詩集卷三十六

二

語船人

蓬牕寒日爭一線諺曰歸心急如箭病緣柔艣數讓能諺坐高灘獨虞變雖然當急復可緩我既分明爾方便左盼若已嚴州城東馳且謾桐廬縣江山錦繡世多有吳越中間孰此先昔者夜過七里灘譬之未識廬山面富春何必大嶺畫蘭亭所難真本見入瀧略爲相徘徊認水須知亦洞漩漢時嚴先生頗住宋代謝參軍且盼百年那得佳處托二臺不恡幽人擅崖高只叫畫舂鳥日冷不飛青葉片潮聲折來是家江忍性從而安筆硯

灘阻

青嶂白雲媚碧江紅樹妍不因灘勢阻自著客情牽風雨拋雙展圖書伴一船相畱莫歸去望望近鄉天

一灣

一灣復一灣面面好青山天每多情厚人應寡務閒炊煙起
楓鳴漁唱返柴關曩哲思不得遂歸圖畫間

題嚴州山

始信黃公望虞山久不歸營邱偕北苑夕翠與朝霏黃鶴樵
人舍梅花衲子衣荆蠻並吳下謝客自清暉

瀧中不泊

初月一彎照兩崖千尺陰江流寒轉碧夜氣清何深天高星
炯炯火遠樹森森倚橋猶獨立對酒聊孤斟所思不可作在
昔有知音

桐江

富春山下夢錢塘江上潮竹枝將曲怨楓葉似花飄片帆輕

蘧石齋詩集卷三十六

三

又重初寒復朝桐君舊相見鬢絲殊未凋

富春江

山嫩江逾碧江碧山盡春一帶縈紆轉兩行窈窕陳青松頂
有鷺紅樹林無塵潮上水平鏡潮來波縹鱗遠岸低曳煙深
塢靜隔鄰灘聲且搗楮峯影獨垂綸若種富春田只作富春
人

富陽

孫家墓錢家江計年春後夢十八鯉魚雙

江千之夢戊午夏月也記
桐江歸舟絕句云九田灣
裏兩丞苗閣閭蛙聲欲上潮不忘
故人相送遠榴花紅過戴家橋

過杭州未得至西湖

江上望知湖上山西湖城不夜畱關好春四度 翠華後
行殿兩峯丹照閒舊日酒樓堤上起幾人詩舫月中還王程

促迫遊情減儻著垂楊伴老顏

到家作四首

豫章趨浙路非賒實荷

皇恩感復嗟白髮為官長戀闕青

種多梅樹老圃全荒有蘚花同熟諸郎聞已盡比鄰翁媪訪

應差

久失東牆綠萼梅西牆雙桂一風摧兒時我母教兒地母若

知兒望母來三十四年何限罪百千萬念不如灰燼簷破襖

猶藏篋明日焚黃祇益哀

兩弟前亡庶母祖後堂步步哭嗚嗚冬寒已卜先邱葬日晏

難炊寡婦廚范氏義莊焉得置藍田鄉約未能渝高桐葉落

蕭蕭響屋漏神明勉是圖

蘄石齋詩集卷三十六

四

七十猶慳謾畏寒國恩深被報誠難老妻京邸兒孫頌家

子鄉園幼小團來歲西偏仍補竹及時南向遍培蘭太常侍

御傳忠孝不僅龐公一字安

祭何公墓

德政鄉非遠何家橋獨存荒邱籠翠篠片碣照初暎易姓難

忘自同宗實有原趙鄰四百載守墓鬱成村墓在德政鄉舊所傳甘泉鄉者訛蓋德政與甘

泉相接也何與錢同出于高陽氏之後曰陸終

祭孝廉金先生暨元配馬孺人厝所

哭寢遙難及成墳此定佳實蒙猶子視如切二人懷宿莽淚

多溼長號風不霾雪堂燈火語頭白悔相乖

丹徒阻淺

山脈渠中鑿船聲驛外停高燈依岸悄短枕待潮醒偃蹇南

徐勝開張北固形繡旗翻曉翠坐覺萬方寧

聞詩張賦己平于臨清

過淮安

河曲三更沓風憐一刻饒淮幾下昏塾秋若燒蕭條荷
聖鴻加郵維神亟靖囂揚帆欲東下先問海門濤

用驛壁詩韻二首

驛有青溪女子張雲甲午十月廿一日隨元和舍人北上題壁二絕句上聲

花未春時月過秋馬蹄淮上數前遊莽然塵土蕭然鬢又

是家山別秀州

二分明月在邗溝送到鍾吾古驛頭楊柳秦淮霜落後不知
西北有高樓

羊流店

晉亦曹之賊吳非漢所臣江山偏疆界戰鬪苦民人我欲瞻
先墓公猶作里神百年陵谷意相感詎無因

蘊石齋詩集卷三十六

五

宿崔家莊

秦岱雲歸晚徂徠雪積晴高原微月照大路有人行屋冷音
聲遠燈孤意緒生兆豐齊與魯盈尺幾州城

望岱

廣原突起不岐嶒全體巍然自廓澄孔子未云天下小我
皇復以聖人登性之善者斯為準春若生時物可憑刻露精
神飛雪後溟濛渤澥旭光昇

雪

雲陰濟南北迢遞過河間大雪日催日太行山隱山民天端
此繫

聖澤夙多頒迴語安耕鑿嗟嗟罔作姦

次韻馮大司寇喜雪見簡

梅花如見莫相嗤亭角禁寒兩袖披乍別江南無好夢忽傳
城北有新詩輕蹄下直脩衢靜矮幅生春凍墨畝四憶齋前
風灑急明燈殊悵不同之

乙未

試燈日 圓明園接 寶恭紀

于郊盛

祈穀 行寶遂賚 園職在趨先夕情欣及上元前湖啟扉

曙 正殿簇燈溫樂奏臨 天仗來朝宴外藩

觀王文簡公所題馬士英畫二首

山遶長江柳帶烟柳疎江冷暮秋前太行西去官齋興乙酉

金陵十五年

書於辛未蓋其為山西副使時

王師南下不多年司理揚州句為傳落盡春燈飛却燕江山

蘊石齋詩集卷三十六

六

如畫畫依然

馮大司寇以二月三日雪用喜雪韻見簡疊韻以

答

牽率雕章性所嗤書帷無奈為君披清寒入骨春來雪老豔
驚人病起詩爐畔藥香瓊坐寂簷陰梅白杖扶欹城南早待
晴光出一盞新醪欲見之

苑南過馮大司寇草堂猶未下直

幾度雪吟盡伊人春病瘳草光馬前薄花意淀中稠玉佩風
相引金門露已收寧知悵孤坐更不傍岑樓

問村杏

溪流尋不見况乃好花枝茅屋幾家舊綠楊三月遲夢迴年
是夜春去鬢空絲行帳難摹似相思點破脂

遶山行

舒舒春動氣晶晶
午照原適經古墟
落獨坐老樹根前者已
催騎後來亦停轅
盤山踰一舍纖月未黃昏

恭和

御製三月四日詣暢春園恭問

皇太后安遂啟蹕往盤山因成是什元韻

纔過上巳朝晨

省喜

春饒既望

陳旋蹕于東令發輶土膏先以諭花信未之要羽衛風多暖
田盤翠不遙

恭和

蘄石齋詩集卷三十六

七

御製駐蹕湯山行宮作疊壬辰韻元韻

近苑留清邃疎窗愜靜便
春經布穀雨山有藏砂泉重以
三年涖濶于又日詮園中盛喬木耆老指欣然

恭和

御製敦素齋元韻

家法相承惟樸素自然萬寓菁華露

行殿當年受

祖恩

聖人此日思

天顧巍巍至治洵難名
翼翼小心惟

永慕儉而益慎懷所圖動則惟時善於慮

恭和

御製清明元韻

薊北俗忌清明風江南人喜清明雨宜風宜雨古猶今要在
田功適無阻蓮花嶺西是日晴風從東來動

天語雨師風伯敬聽之灑道清塵何不可叶盤頂無雲山木
春盤凹不雨村雞午但令溫煦遍芳菲無使顛吹過百五

御製詩注俗諺有清明風拂墳頭
土類頌連連四十五謂其日長也等閒 采諺關耕農惟有

聖心知樂苦

恭和

御製題延春堂元韻

貞荷 茂對叶其旋花早花遲穀雨天城裏春深元似海山

中日靜大于年循堵泉響喜紋古蓋院松陰鶴羽鮮此際

書堂多野趣西峯明月又招延

■ 蘄石齋詩集卷三十六

八

恭和

御製引勝軒疊壬辰詩韻元韻

選勝萃於斯山靈亦惟允疊處短如屏叢中長若筍土與石

相扶石與松相準肖來澗東西得水更無盡高牕娛 靜覽

雲翠風徐引

奉

勅賦得燈右觀書 得風字五言八韻

繼晷蘭膏置流觀竹簡通光應如日出勢只向春融短袂宜

緗帙乍塔近玉蟲背牕分研北銜壁佐河東照勝青藜後銘

將座右同帷垂自南面螢閃或西風惟

聖三陽德猶勤四庫功 書堂晚來月恰射寶釭紅

御製題
延春堂詩首
句曰書堂後
此與周旋

檀藥草堂海棠花歌

年年看花花不老主人詩好花亦好花總新年勝舊年客如
春暮非春早一杯先起花根澆花根酒卽通花梢座中白髮
不我獨相憐相惜花枝交塞空春氣兩宵下屢屋春陰露朝
灑薊北常逢勸醉辰江南豈有思歸者高枝叢搖蓓蕾殷低
枝艷拂莓苔斑草堂三間半花影橫枝已過堂中間闌干迴
立遮無幔花非能言吾欲喚倩誰畫出碧雞坊與子吟成紅
錦段蕭蕭寥寥風起耶東家蝴蝶飛西家美人美人日之夕
芳草芳草天之涯馬蹄香土催難歇我亦何心輒拗花

蘧石齋詩集卷第三十七

秀水 錢 載 坤一

恭和

御製恭奉

皇太后幸避暑山莊是日啟程卽事成什元韻

歲承

祖澤侍

慈闈臺榭高明禮弗違

萬壽無疆惟養

志

一人有慶在崇

徽淳風蓋仿堯階土 文德如關孟氏機律應糴賓時雨降

蘧石齋詩集卷三十七

不遑暇逸兆先幾

恭和

御製出古北口作元韻

潮河入口聲逾暢亭障連峯蹟尚貽在德豈憑天下險安邊

猶切

聖人思臨洮起塞終何益永樂淪疆更可嗤極北諸藩今奉

朔一家中外往來斯

恭和

御製將軍阿桂奏報攻克遜克爾宗詩以誌事元韻

蟻穴勒圍之外險遜克爾宗在必克榮噶爾博之山陽第七

峯後今始得去冬先得默格爾穴偪猶嬰如蟻賊噶爾丹寺

噶朗噶今夏克之賊奔匿去蟻之穴僅數里

王師同心一準尺遜克爾宗出我後不取虞爲腹背敵五月
戊午奪了口接時分攻聯兩翼諸將前攻實攻後副將軍豐
戰尤力霧中轟礮致賊懈火中斫寨追賊北直古腦進竹斯
破兩金川平石且刻配

廟元勲果毅公元孫延賞 恩超額國之喬木惟世臣家之

駿烈惟世德副將軍豐昇額爲開國元臣額宜都之元孫世爵襲封果毅公是役副將軍之功居多上特恩於公號果毅之下增繼勇二字以旌其能

恭和

御製雨中至喀喇河屯元韻

安穩 金輿從翠旌微涼微暖到程程昨應請雨卽甘雨今
勿祈晴俄快晴列嶂四周城勢拱清灤一道練光橫濕衣羅
拜諸藩迎縹織還叨 渥澤行

恭和

堯石齋詩集卷三十七

二

御製至避暑山莊卽事得句元韻

萬年

祖澤構仙阿福地清涼夏可過 道本重光時極盛
聖齊一揆化無訛蓮風柳露分丹沼桂殿松樓出翠螺敬奉
慈顏承至樂南陔瑞獻紫芝多

恭和

御製經畬書屋元韻

繡如方罽對嶙峋取譬新田

聖契因一畝宮先儒者業百川學啟道之津鄭箋孔傳苗芟
莠義種仁收富賚貧四十年來勤 述作用康

社稷與民人

題瑤華道人所藏王翬畫十二首

瑤華道人爲諸孫名弘軒職在

仁廟御前

能詩畫書

上加

恩王後爵以貝子

石谷自構

萬壑響松風
百灘度流水

高翠且深環平流却亂落覆以松陰森相答笙鏞作厓邊獨坐人夫豈曰無著

仿燕文貴武夷疊嶂

灘光數漁晚瀑響重溪深碧浸崖崿垠青斷雲烟林幾疊一曲轉九曲千嶂陰幔亭是何處中有瑤華音

仿文待詔臨盧鴻草堂

草堂鴻自畫亦復自題堪茲景出吳鄉蓋已非終南墨竹夾葉椿絲柳蚪松參大石立楫欄北林枯兩三籬陰蘚夾蹊堂陽欄俯潭其東一角天更以抹遠嵐

石谷自構

天際歛雲山盡出
江流收漲水初平

蘼石齋詩集卷三十七

三

松如黃鶴松山如北苑山疎林一村屋孰得居其間小橋不入郭遠江自通灣半幅江上帆行行殊未還

仿謝雪村霜林茅屋

石間灘層層階下荷田田遮屋竹有雲出竹山無烟水南石嵌空巖西杉鬱然若非絳葉明豈謂新霜天屋中緼袍人嘯歌聲不傳

仿趙文敏溪柳讀書堂

借作吳村寫畧得輞川趣沉沉洲渚分段段菰葦附綠楊柳四遭亦不皆楊樹耕漁兩相隣于焉托儒素讀書非一朝讀書非一暮綠楊知此情何不引鷗鷺

仿巨然寒林蕭寺

皴染出大山層疊分明見上下近遠間林疎葉齊變獨彼青

杉青巖凹擁樓殿後峯淡淡生前徑微微轉山根聚有溪溪
口橫復江江光動寒光六月在我牕

仿黃大癡

塞山碧於染暑雨溼初洗道人設見之秘奧鑄先啟赭綠展
吳岫天池石壁東並船青竊漁五月黃梅風

仿范華原

嶺頭又高嶺白雲橫斷之前嶺冠精藍樹不叢叢衰左右灘
急奔東西梁迴跨森森見遠洲天際雙帆下

仿徐幼文溪亭野趣

雜樹十數株中間一亭築坡草披纖纖水草漲蔭畫楫時
哉晴囊琴步者獨不知北郭誰自縱前溪曰我家詎無溪松
杉蔭栢竹我溪雖無亭蘭芷遠荷鞠白髮戀

■ 韓石齋詩集卷三七

四

君恩初衣緘在麓難爲多文富實恥有道穀

仿趙文敏鵲華秋色

磻山青如何迢遞華不注曠前村壤開曲內溪沙度蹠羣閒
放場網影滾懸樹都來楓榭顏半是蒹葭露

仿沈啟南摹李營邱雪圖

營邱北苑蹟頗貯有竹莊雪圖豈誠似大較規荒涼連峯巉
巖白一塢窈窕光枯林出高寺乃見紅夕陽寺後沙村遙寒
氣濛濛長進艇訪詩人野梅深處香

熱河感舊二首

繚垣西麓有山隈廿七年前住不才葛氏堂新尚書賃蔣槐
陰馬並侍郎來嵩公介公因緣豈料師門厠鑒識多煩國土培介公
爲順天鄉試副考官嵩公爲會試副總裁官蔣公爲殿試讀卷官躑躅而今尋此跡天教老淚滴荒苔

堯光橋畔第西東游文格公居文肅之賜第燈市南頭閱閱同介少宗伯公

孫猶居促促八年成逝水明明千古湖流風乙亥嵩公辛巳蔣公皆幾于

舊邸那知出塞然孤燭更覺當杯見數公昨夜雨涼前夜月位壬午介公履一蹕江南於

舟次輶井轉不匆匆

和崔大司寇應階種花三首

塞草開花上擔鮮翠英朱顥也論錢畧知名字聊相賞暫入

塔除信有緣越女茶靡愁殢雪宛駒苜蓿快騰烟情隨地轉

何常定吟過灤陽又一篇

一鋤鴉背任攜將但勿分畦更列行客院先秋蟲托蔭隣街

過午蝶尋香千峯驟雨重添架八月還京未著霜鄭重折枝

憑寫去結根原自傍仙莊為寫墨花一幅禁中騎馬紀恩好

尚書年今七十七隨輦樂極康強身

塞上種花發興新晏子帟囂屋且大武昌魚食家仍貧蟹肥

酒醖訪籬菊歸喚霜顛三四人

于相國招集行館

南近莊門沙路分峯陰屋敞許微醺盆荷大葉全勝露籬

豆疎花儘帶雲內直心勞歸每晚元臣齒宿學加勤尚煩

禮數燈前出始覺清言塞上聞

山齋二首

塞雨時逢半日晴月宵曾放十分明車箱入水河滾淺屐齒

衝泥路直橫牆上蝶衣今午出天邊山黛此牕生雜花細瑣

紅黃紫太向癭顏點綴成

宛宛山莊右幹山灤河口送疊而環帟屜西聚皆形勝龍

虎東連不等閒半宅坡高開石麓雙扉巷小轉沙灣遠遊舊

韓石齋詩集卷三十七

記興州北近侍今依豹尾班

曹少宰秀先招集行館

金坡下直鞞絲鞭紫塞初晴展幕天文酒敦槃饒一度江山
吳楚後諸賢恒言喻道蒙相假晚遇酬恩媿未然籬蔓著花
黃吐瓊及時顏色總新鮮

七月朔日邀曹少宰秀先申副憲甫過山齋爲同
徵小集賦詩六首

帝京華髮賸三人紫塞青山話昔因四十年難光此典 國
家恩各被於身龍頭合讓叨同壽鼎足休誇戒外親 麗正
門西連雨霽荷香柳影屬佳辰

舊會分明未渺茫綠榆陰薄紫藤長率先相國劉文定歡洽
南城錫壽堂酒罷燈闌十年警心知日數兩人傷甲申之會少宰以期服不至是

蘿石齋詩集卷三七

六

日會者惟副憲爰載在由來倫紀關皆重憑仗詩篇志不忘

賦詩 殿裏蠟花開五夜初寒玉漏催吉士南宮先已達少宰
被薦後元年丙辰成進士入翰林是秋 布衣西浙後方來副憲籍江南以布衣丙辰六月
隨試天下所薦士有 旨免試 還山苦學貧仍守出塞長吟念未灰月舉于浙江同 御試保
和殿給官燭今切冠 從者惟副憲及載

天語每承嗟晚遇昨者蒙 恩召見惜載之遲中進士載奏及被薦 御試之歲 今朝猶得廁高才

兩公扈

蹕歲聯班賤子追隨此度關 輦下屢盟嘗不踐尊前非夢
又何慳桓溫種柳偏經落韓愈爲雲亦在閒旌節馳驅賢者
分豈論暮齒少離顏

離合升沉日月梭當年小錄俊英多卿雲縵縵須公等荒草
茫茫奈若何老不窮經吾澳忍奉各少宰詩先成著 天隨處報窮經之句 遠如求友兩婆
娑也知光岳承 嘉運定復英靈起大科

王尚書有指南傳玉海工夫獨欠先碩果今推江左右鯨生
自負浙山川百杯爛漫豐干舌三伏陰涼子敬瓊來日宮
門笑相見興州之樂竟前緣

和曹少宰七月三日招同申副憲爲同徵二集用

王摩詰贈祖三詠韻

瀛洲式先進旣揖乃升除流連佳日再花藥野人如參坐不
知久清言彌近道天邊哉生月露下同心草同心卽同居皆
出古北關門連武列水膠分木蘭山莊東左幹之山來自木蘭南至灤河而止豈非尊
酒顏良爲輜車展所欣扈從陪不使襟懷淺自今信多暇好
會無前期月缺亦相見月圓亦相思

恭和

御製題文津閣元韻

韓石齋詩集卷三七

七

親勸羣書盡寫之閣藏

勅仿浙東爲 帝京有二 山莊一博學難名貫道時厲揭
人來匏葉晚江湖岸遠瓠樽知況從

聖祖開清境天地文應會在茲

恭和

御製趣亭元韻

聚書藏書得佳趣趣以名亭閣邊峙其西則山東則臺碧樹
扶疎石岷峩峩峯陰轉壑隨澗澗響落池池益泚收將大段
天一范兼取小齋京口米亭中書趣勝琴趣有絃何必無絃
矣

聖心妙趣與人同讀書之世胥樂此

恭和

御製月臺元韻

月生于西臺則東西山碧色長不老山凹月上臺皎然似照
圓明園石好石好恰直 文源閣一峯八十一穴巧臺西月
又臺西山乃見 文津勝非少宛在中央桂樹生臨高臺以
宵涼早臺端

奎藻方迴題閣裏芸編正浚討

恭和

御製過河詣溥仁寺瞻禮元韻

聖祖恩留題古寺我

皇歲至仰高懸如春世繼三陽泰不息 心涵四德乾岸則
先登松茂矣雨其大悅物生焉溥仁兩字參真諦 醲化無
言本自然

擇石齋詩集卷三十七

八

恭和

御製山莊卽事元韻

仙墅高居邃壑尋碧天晴雨

紫宸心百年

祖澤松雲切萬國民依稼穡淡左右林巒隨點筆清涼臺榭
稱披襟灑河衆水環京下雁塞羣峯擁
座臨

恭和

御製出麗正門恭迎

皇太后至避暑山莊喜而成什元韻

雨師並塞早淋漓梁道安行坦拄撐

慈壽萬年多介祉

聖皇百歲自呼兒嘉辰 仗泣

光儀式 內苑

輿扶笑樂之

至孝在心難繪寫微臣踞讀得淡知

恭和

御製靜寄山房二詠 謹序

御製序曰月色江聲為避暑山莊三十六景之一其中堂扁

曰靜寄山房

皇祖御篆也敬成二律以志景仰 臣載謹述

紫塞初更上青霄萬里空 山房于以敞月色本來融高下

金生碧檀藥翠濕紅豈惟明作德皆是靜為功

睿照

擗石齋詩集卷三七

九

前光迪端臨至化冲洞天三十六真與廣寒同

右月色六韻

武列趨常駛灤河挾以流風迴江浩浩月上夜悠悠更覺

山房靜并將天籟收巴人穿峽矣越岸長潮不一室清于耳

三更朗在眸

紹聞思所寄常勝玉徽留

右江聲六韻

馮大司寇裝家文敏公奉貽詩蹟卷自京寄塞上

屬題感成一百六十字

客座酒初行塞山青未暮人來獨涼然忽展公詩故公詩奉

知音知音實知心篋尋一紙少囊襲千秋滾江南水不歸蒹

北霜被野舊邸犬依人高墳石成馬三年且三年遑問汗竹

辰况于身後文豈若在世身
前軒綠桑遮後院紫藤落
此地若過時思公不可作
迴颿自江右訪家人常州
遺書塵在榻照晚庭經秋
古往復今來惟人安所寄
遂令淡泊遭每有纏懸意
我詩亦無詩敢望知音知
夜闌只自讀聲遶灤河涯

再題四絕句

城西寒夜昔盟曾同姓詩
還爾雅徵十卷已蒙 三殿進廿

年不改七哥稱載行七戊辰王園之會公呼載七哥王甲殿試公為讀卷官載卷進呈禮當師生見公以同姓義仍呼七哥

匆匆遂了一生因畫裏江山
愛富春懊惱梅花三丈竹延陵

季子又何人載於土地廟得王泰常臨富春大嶺圖長卷董文敏陳仲醇跋公愛之遂攜去時方畫山水猶未直內廷也後載居南城與公邸相近數借

戴吳仲圭墨竹譜長卷有欲並宅而居之詩

何事連篇詠挂蘭前身莫作
後身看可哀信有人間曲遊戲

歸來只一般卷中詠挂蘭注云一名風蘭葉似菖蒲根不著土以髮纏之懸于檐際三四月間花詩云髮髯偶然同姓氏羅生誰與門門楣以其髮纏而花

蘄石齋詩集卷三七

稍括香粉然已離塵獨上矣至于寧隨斷梗悲同病偶托高門作寄生豈公之中道自有前因乎

風雨毘陵夢去遲開先謝早
幾花枝如何白髮明燈裏獨向

平生欠輓詞公計至京師載為位于法源寺東寮腹案有詩既而迴思不能錄莊仲一澤學士與公中表又甲戌摠裁所取士與公先後狀頭預王園之會戊寅督學園中已卯居父憂歸而歿載還自粵西在道聞之有詩亦未錄稟

七月十日申副憲攜酒山齋邀曹少宰為同徵三

集少宰詩又先成輒同其體四首

宿飲纔趨直分班已送篇 恩淡

今上日事久

憲皇年

三詔風雲萃初元禮樂宣無才雖不錄此會尚當傳

筮仕何先後同承

至 upper 恩身名場戶起薦辟史家論白髮愁鉛槧金坡黍鷺鷥

門間他日倚就道詎能諉

丙辰應詔北上先大夫送之河干先夫人送之中堂東楹日載出門

豐齋凋羣彥乾坤駐兩丸漸來

京輦寡皆在塞垣難芳草

薄言采明河今夕闌一尊相暱就知子勸加餐

恰許三人從常成一日閒不煩邀李白何啻笑廬山地近蓬

萊上才非伯仲間他年尋許椽提挈以俱還

秦答少宰倘遇青泥髓同餐享大年之句是日

談西江道遙山之勝

勿藥篇寄馮大司寇

五旬闕相訪一札遠見投雖傳暑病已難遣客思休前此既強起棠花紅未凋今來又平復桐葉翠欲流半年得兩病百歲成千愁豈其不自攝豈其不自由小雨行滑道詩則城南僑明月坐移央山則郊西樓習靜底須言寓意那必留莊生之木雞佛者之牯牛噫嘻吾過矣放浪君無尤自公事了

葶石齋詩集卷三七

七

當職職業脩惟敬其可吉惟安其可偷勿藥輒有喜若藥或不瘳饋藥謝康子采藥無瀛洲藥囊布漫緝藥竈薪頻抽折肱乏善技蓄艾徒良謀身以心為主心與天為游塞涼昨更霽官閒力頗周曉直宮門淡晚歸民舍幽賴君親串好致我居停優北窗樹金護前榮種石榴扇紈白在手峯黛青迎眸益空市先糴甕臥隣已篤酣眠竟無夢飽食況有秋二豎語三尸去去何所求

謝曹少宰餉鯽魚

藥河去此三十里健鯽分來尺半長

蘇子美詩尺半健鯽烟中跳

荷葉蓋盆聲

撥刺松枝吹竈色匆忙明公腹疾若齋禁賤子朝饑非渴羌

叔鮪王鱸憑得計塞天兩月始鮮嘗

賜清音閣觀劇恭紀十首

碧檻紅樓

御榻安東西廂敞藉羣官高高面北三層閣閣下笙簫按鳳鸞

盆花左右列中庭蕙箭榴房間素馨朝雨絲絲簾額灑檀槽聲趨最瓏玲

三陳

玉食卽分頒盤炙甌香次第間 內苑晚晴勝早暖微臣白

髮也丹顏

章奏

親批膳後仍軍機晚對玉階承分明韶濩雲山際半日中間暇未曾

魚龍曼衍不妨工覽古猶關一曲中花石船頭朱勔坐汴梁

堯石齋詩集卷三十七

三

城外水門東

金家初旺宋家柔不與遼家作好仇岳頂賞花纔幾日鳳凰山翠見杭州

周密迴思志癸辛貫雲石又稗官申人間散去遺聞鑿天上收來法曲陳

齊天

聖壽月初開蒙古諸王續續來並懇行圍隨雁磧先教入坐侍瓊臺

十日爲期後接前齋期停樂

聖心虔涼風卽次留襟佩珮月從容待管絃

御書每日午牌成內監鋪將照地明 聖處工夫寸陰惜水

淙山響自歌聲

南天門用己已過此韻

曉月沈西大初陽拍海紅環京千障負鑿石一巔通天地長
歌外關山小夢中書生曾策蹇淚不落秋風

鐸石齋詩集卷三十七

三

擇石齋詩集卷第三十八

秀水 錢 載 坤一

九日集馮大司寇獨往園登高主人詩先成次其韻

涼風初落霧旋輕黃菊猶含碧宇晴
我意早成圖畫趣此間
端有嘯歌聲
琴樓遠岫來西面
老伴深杯約外城
多謝年年
定相見不妨語語太憨生

聚奎堂早起

十度槐頻落三塲院又臨風天疎雨點鮮地暮秋陰未善孫
吳術無輕甲乙心

皇謨徹邊徼二柄待人任

奉和 皇十一子晚秋池上四首

擇石齋詩集卷第三十八

一

御苑遵天路書房治道心
灣灣三面水澹澹九秋陰
累土為山迴安橋過岸深
仰惟雍正歲栽植久成林

貽厥

先皇澤繩其我

聖心紫蘭分露色翠竹列雲陰
水自潑洄靜山真窈窕深
午餐廚已就芝菌采于林

詩禮儒生業丹鉛作者心
陳修本

家法屢勉在分陰
淡照霞邊麗涼波雨後深
憑欄諷佳什笙

鶴下瑤林

濠濮非莊叟軒窗得遠心
風多天與力霜薄地留陰
進德頻消息論文互淺深
來年盛春物相賞偏芳林

奉酬 履郡王見贈之作謹次韻

職趨黃閣本凡儔 恩許經帷厠俊流

大獮鸞旗從上塞高齋桂樹接涼秋茶香書味中邊徹玉色
金聲耳目謀最說綵牋題不盡強將枯管數入聲難酬

寄湯學使先甲粵東二首

月夕傳杯卻霜晨拜疏尋迴翔丹地再 眷注紫霄深置傳

雖承乏崇賢豈嗣音遙瞻閩冬色已憩老榕陰

南海人知學從容播化齊五層樓獨上九曜石先題所願江
梅發他時竹杖攜白頭呼粵使絲醞問梁溪

十一月朔日冬至

圜丘禮成三日雪蒸紀二首

仁

孝馨香感于今四十年弟孫以從侍

藝石齋詩集卷三十八

二

主極肇精虔今歲

侍

上命諸皇子

壇觀和樂羣生上光華

大帝前求寧惟有德繩

祖

意淵然

繁雲逾積玉廣野等鋪金

祖澤

天誠祐

前光後克歆占豐適三白

錫瑞見初心明日迎

慈輦恭惟

萬福臨

四日

上自

春暉堂奉

題游昭秋林醉歸圖

太平書畫供

宸娛 賜出 內府親賢俱 皇十一子嘗拜

賜紹興短卷游昭圖樹身圍大人莫抱樹頭葉沉墨與塗亂
沙隔渚天且晚長坡逆風草未枯一牛不叱亦不驅一童貫
鼻牽不趨前蹠右翻後左踢牛背人醉秋模糊朝衫尙僕坐
成夢芙蓉花插紗帽烏城遙村近忘相及山澹雲濃看若無
其時紛紛誤朝議此老兀兀非酒徒殺雞橫飛不可掣江淮
直北何由蘇昭家常鄰京口塢負藝頗向錢唐湖李晞古名
竟能踵陸務觀語良不誣天人學探赤水珠郭椒丁樸奚所
須鼓鞭借之上春隴載也識字耕田夫

奉和 履郡王最上乘雪興最上乘

日澹層檐自愛冬午晴難放曉寒重苑西時玉來清氣座上

蘊石齋詩集卷三十八

三

天花少定容粉蛺蝶飛藏凍雀碧芭蕉敗壓高松茶鐺熟後
爐香靜鄰利旛飄未報鐘

丙申

澄懷園所居

東近 御園前園猶故相傳略培高阜樹添種廢池蓮牆短
山橫黛門深柳待絲呼名有鄰鴨只少櫺頭船

蔣京兆賜榮修北臺之會馮相國有詩追懷劉文
定裘文達及家文敏因用其韻

百年難負踢青鞵臺菜花黃才了偕破夢人猶前度約迴腸
句已後時懷湖陰樹暖煙生郭欄曲歌長月到階飲酒被純
誇服食白頭相見便為佳

晚入法源寺至海棠處感徐太守作

兩年不到寺中行高閣依然夕照明
丁令鶴歸亦恨莊生蝶夢翻
驚投園駘宕支筇瘦
傍砌姿拖踏影輕天壤自來
芳草語大都牽惹爲平生

上巳日飲檀欒草堂前海棠花下作歌

今年先期再三約主客齊祝花之辰
花如人願早遲恰天假花緣寒
暖均濛濛前日雨灑塵盃益昨日
簫吹鄰今朝見花竟絕倒三日
果然天氣新百千枝迥擎花搖
十萬花委擁樹嬌香玉瓣肥脂
蕾嫩殷鮮朶簇重麩翹橫生斜
出錦帷做濃拖低顫苔茵掠青
幔覆架亭方方面花安之花向
陽全身花看亭裏坐大杓酒汎
花前在年年團圓此草堂草堂
之醉爲海棠我今醉與海棠言
我家江外江有園紫藤絡榆白
練翻紅薔瀉露青莎繁豈無好
樹輕懸旛但非老本高當軒他
時得歸定相憶來日且往常過
存一杯今復澆花根哉生月上
初黃昏

蘊石齋詩集卷三十八

四

題徐孝廉以坤海棠樹間小影七首

讀書嘗共裏湖邊堤上桃花三十年
兩鬢疎疎風浩浩不如君作海棠顛

白堤花接蘇隄栽不少紅棠佛寺開
踏省門來書券去年時拋撇去還來

簇簇川紅樹樹新餘不溪窈岸斜鄰
勸君穩向巢間住柳絮榆錢誤卻春

負鼓吾今也作場郭郎鮑老一
郎當如何廿四番風信獨讓春光
占海棠

法源舊句感無涯君又恆河與算
沙老去比年難一醉內城

花事仗馮家

粉香脂色春復春兒女心情始是真夜雨曉來寒一陣可無

側臥捲簾人

芳樹聊爾托芳心石牀孤坐吟復吟絕出風流都不記許昌

廳後小亭深

孝廉不能飲酒

題陳檢討填詞圖

款云歲在戊午閏三月廿四日為其翁維摩傳神釋汕

髻也維摩擲湘管敷茵藉地肩非袒回看妙女捻瓊簫芭蕉
葉坐吹之緩是月閏三春不短禪人狂寫騷人誕拋盡南唐
西蜀心看成滅字偷聲伴碧雞金馬方洗兵公車待詔開鳳
城想見搜材遍巖穴千載一遇古莫京髻公江東詞是名題
者同徵多傑英盛朝采擢關文治芳翰流連眄友生百年
百年觀此卷花陰花陰吾數入聲展就中浙西六家孰先之絕

蘊石齋詩集卷三十八

五

愛小長蘆賦摸魚兒豈知後來鉛山蔣家曲賽得前邊洪昉

洪題南曲七首乾隆辛巳蔣莘畬題北曲十一首

南苑茶賦

一百六十里土牆四周方遙山何坦池西北牆頭蒼安驅放

馬蹄獨立收馬韉青天南去迴寒食東風長馬駒檐水之委

鹿圈茗苑之央三海子所注一畝泉來旁其上涼水河其支

草橋鄉又支廣恩寺滙而東決決東至小紅門門西入于牆

潞河受馬駒苑之經流詳右安門大堤北紅門夕陽稻田數

十頃初墾倍豐穰累土連為山西北東低昂下即涼水河環

環氣象昌苑中路分植植路皆綠楊有牖穿綠楊有寺開紅

棠舊衙老槐高東旭羣鴉翔恭惟順治年蒐獵茲其常亦

越康熙年 新衙西關廂

兩朝樾蔭深萬株煙露芳鬱葱
隙南衙築濬勤我

皇雲罕泣行獵
安輿恭奉將我

家法至肅我世道長康昨者千金川
告功闕里行迺

命皇子孫校獵于苑良春草竟野鋪春旗小隊颺朝焉矢逐

兔晚焉火發鎗斯文戒柔弱日強振紀綱磐石以爲宗鞏固

乎苞桑試登瞭鷹臺土脈觀沙岡

宛平王氏懺園戊辰嘗文讌于此後海鹽明府丈

如珪自施南太守歸居之春日訪舊賢後人出接

感賦以贈

蕪菁滿地樹遮門廿九年來客尙存廉吏可爲遺半宅故家

不墜占荒園論交勝國先公託枉駕名山妙句煩文貞公未第日訪先侍御于慈

華石齋詩集卷三十八

六

仁壽海上棠陰堪德庇所憑玉友與金昆

增壽寺柰花兩株

走看柰樹近相招宣北坊西散寂寥日暖風輕雙玉雪藥紅

花白萬枝條成林卻憶陶弘景添種無煩郭四朝名字老僧

猶不識半天香氣灑經寮

德壽寺海棠丁香已謝牡丹初開

我我寶鼎發祥煙順治鐫題十七年名卉紛敷冠南苑好

春次第供西天袂衣摺扇紅廊外濃露暄風碧砌邊但啜新

茶輪舊釀任飛蝴蝶漫唬鶉

法源寺海棠

曾見枯株又見栽花應笑我白頭來黃塵幾輩埋黃壤佛樹

依然傍佛臺東院輕陰西院暖十分好句百分杯遊蜂戲蝶

干何事落去傷心只翠苔

題園居

一月不來此槐榆陰各成牆頭短草動池面圓荷生淡泊客
三徑優游書百城南風宜得雨坐覺乳鳩鳴

平定兩金川詩十二章

謹序

乾隆四十有一年春二月西師征兩金川大功垂定既列爵
酬庸

皇上至孝至敬謁告

東陵是日紅旗飛馳攻克噶喇依賊巢報捷于桃花寺 行
在窳徼以平于是謁告

西陵旋

蹕南苑慶惠春敷恭奉

檀石齋詩集卷三十八

七

皇太后安輿祝

釐岱宗遂告成 闕里還京將士振旅至

皇帝迎勞于郊臺既獻俘

廟

社大告成功

御午門受俘五月之吉恭加上

聖母皇太后

徽號慶賀禮成頒

詔天下羣臣咸力誦

聖德垂示無極臣惟金川之乞降赦罪既平於十四年矣乃

其遺種相噬相戕負恩抗顏又陰相狼狽三十六年七月

王師之加蓋極於不得已我

皇上如天好生固未嘗欲復加之兵也今者伏讀御製平定兩金川告成太學之碑至矣哉敷天臣民共見之聖心一無所飾而於辭不費夫以山川險峻深入爲艱誥誠師行且備見於

宸章諄切 籌其萬全本非遙制機宜上體屬在將軍迨未勝則頻告以勢難中止事殊不易旣勝則屢戒其不可矜滿罔或懈疎今者大功將軍參贊領隊諸將士之力實惟我皇上肅將五年慎如一日之聖心克以成之蓋息息心操

天

祖鑒之矣夫是以

命將至再先則趨拉速定後則促浸全收勁旅偏圍悉皆擒

獲有適符乎

獲石齋詩集卷三十八

八

神算所必周者顧猶兢兢於勞衆心惻始終不欲以此揚赫濯紀勲烈則今日之頌

天子大功祇以贊

聖人小心也

臣職趨

禁近殫竭弱毫謹撰古詩十二章拜

手稽首以

獻其詞曰

川之土司桃關以外度竹索橋水紆山大趨拉促浸遺種之兩十數年來反覆惚慌已巳非遙首戴

皇仁而何辜恩仇殺其鄰我之土司皆欲安枕矧是維州謠

惡萌已稔然猶需之屢迪其悛終不可悛辛卯乃加兵焉

章一

句十

乃分西路屢攻屢前乃改南路礮卡屢摧堅壬辰仲冬旣克

美諾又取布朗郭宗僧格桑幾縛初時

聖算第征趨拉魯母令竄入促浸師難中休料而心中索諾

木匿之黨惡而抗命乃移師殛之二章十六句

西路功噶爾拉南路當噶爾拉西收昔嶺改塗雪風颯

簡派八旗軍中奏止綠旗飄飄險憑崎義當噶精整允壯國

威翁古爾龔全師以歸乃

授將軍副兩將軍京兵迅赴加以吉林索倫定西之印愛星

阿所佩今以佩阿桂得勝斯在改兩路重進癸巳季冬收復

趨拉不日從容三章十四句

促浸去保縣五百里餘重山陡仄有兩巢穴以居勒烏圍鼠

之巢噶喇依蝮之穴瀘河經其中皮船曲折春開雪紛揚旗

如雲

舊石齋詩集卷二十八

九

命將軍西路心一軍分南分兩路兩副將軍四章十六句

天聲丕振西克谷噶南克馬尼壽宜喜與絨布三路後相濟

將軍雄武先克羅博瓦得促浸門戶又克色湖普喇穆喇穆

屢進疊鉦鼓摧其默格爾摧其康薩爾木工思噶旋圮三年

未竟功一日收矣兩副將軍日旁盡收况收遜克爾宗後路

先籌既夾河西東乃下壓上騰夜入勒烏圍中秋月澄紅旗

至木蘭

大獮龍乘五章十六句

天聲不振進克西里先登科布曲連奪雍中寺圍噶喇依

一穴聚螳自破勒圍其母姑來降大頭人來降今斷水陸賊

其日恐惶况掃獨松况掃馬邦環攻火攻軍合不可當賊羣

夜叫出降求活二月四日兄弟男婦生擒無一脫已已之赦

詔受爾降至德我

皇如天好生

師註切

今爾惡盈自底滅亡

十六章二

鞏我

祖

宗丕基申謝于

陵至德其承維

皇帝德維

聖母福茂綏百祿敬哉祝

釐升于岱宗惟福祿萬年萬年其從敬哉告成先于

闕里

惟文章萬國萬國其理寶稼登舟頤適

慈躬德州遵陸旋

蹕其同

七章一十八句

臺石齋詩集卷三十八

十

維

聖母福維

皇帝德春風蕃殖我官我士我民我兵

蹕路所經 仁施愜其情由所經推未經免租普覃豈惟直

隸豈惟山東遠且及江南豈惟免田租東州縣且免漕 仁

如天壽

八章一十七句

郊臺良鄉

皇帝親勞將士得勝纛雲翔如庚辰禮

陳將軍參贊等得勝纛于臺上幸成功將士及王公大臣

御幄上將肅前禮行抱見

家法所求傳 凱歌大鳴羽騎鏗鉤

聖人所自作天地中聲

等行禮庚辰平定 同部郊勞于此 乃升

賜御馬以扈上將介胄入朝更吉衣龍繪藻繡獻俘

廟

社係組 闕下旌旄魚雅

皇威正陽斗魁文昌耀靈天光九章二
十二句

維

皇帝德維

聖母福崇上

徽稱萬年進祝進祝萬年金書玉鐫惟

寧維

豫至愛拜虔萬國之咸上及太清五福之康以介

壽寧利建侯行師易占既有譽以悅以怡以奉

慈豫十章一
十六章

蓬石齋詩集卷三十八

七

皇帝大聖龍德中正馨于

天

祖萬方以是撫是兩金川功仁涵義秉其動也靜靜以俟之

謙以受之惟

神算其有之保我川民師行川境先後免田租惟蒼黎是省

鴻文三碑

聖武懿鏢美諾勒圍噶喇依旌功瘳惡乃

詔雅州駐防重鎮分防永靖川疆十一章二
十一句

皇心勞矣武功高矣 紫閣圖形 錫贊褒矣 文德之光

至于日出何以報荅

皇心宥密官職其官士職其士民職其民兵職其兵以各安

其生成曰壽人豐歲子孫萬世報荅

皇帝十一章
十七句

堯石齋詩集卷三十八

七

堯石齋詩集卷第二十八

擇石齋詩集卷第三十九

秀水 錢 載 坤一

芍藥花前得句

豐宜門外綠初陰廿四橋邊客又尋
屢擔剪枝畦畦露重貯餅
芟葉院風深不如最好當歸字
無奈難勝欲別心欸欸報之
青玉案悠悠翻作白頭吟

自題小影六首 并序

藏有舊揚碑帖之殘本戊子歲嘗集其字以題小影冊子而
裝于後今冊子已失之拾廢稿錄於此

集鍾元常薦季直表贖字

力氣尚能壯衣食不望充 國恩夙夜報臣其敢雷同

集王右軍誓墓文贖字

擇石齋詩集卷三十九

止足之分是在微身小子敢踰謹告二尊

集王右軍黃庭經贖字

食穀參差念太倉可能枝葉老生香石田流水如無恙要眇

山中日月光

寂寂靈根自有靈莫教花落病園丁乾坤合與存方寸門戶

長期抱一經

集虞求興 夫子廟堂碑贖字

仰

聖霑 文教橫經闢德基猶膺 榮命在未覩樸誠為蘿洞

歸何益雲泉屬有思敬哉

天咫尺難釋歷階時 自戊寅冬蒙 恩以 石史侍從今餘十年

天地茫茫內初踰六十年風楊行裂葉海石願追先 六世祖明 太常海石

先生年三十六歸田講學

至道占三易微情寫七絃經綸已無術不作遠遊篇

趙北口曉行

燕南六月汎舟曾繾綣今來白髮增告祭未行蒙改

命山莊遙赴忝親承城陰小驛聲畱雨橋上輕輿影照燈
入塾早聞山海語前旌尙慎

主恩憑

河間過陳太守基德不值

大郡畿南老健身廿年閒事話無因藜光橋水同觀月揖翠
堂花幾醉人歸我牙籤三帖舊余藏有陳文莊公尊甫墨蹟并文莊及公子蹟太守文莊元孫欠君

藥榜一官貧丙戌會試分校易經得太守卷以薦被落他時待訪蘇州宅滿樹辛夷對

晚春君翁居文莊故第玉蘭一林極高大

小病

塵石齋詩集卷三十九

二

小病曹州過相牽到兖州扶疎桂之樹三五月當頭把酒難
思舊論文欲散愁明朝公事了一爲上南樓

登泰山賦

社首云亭誕謾傳

翠華頻歲祝

釐虔遠稽舜典春行禮上法

仁皇德備乾迴馬嶺開蹲虎石萬株松落兩崖泉東來實受
君恩大日觀峯頭見海天

謁孔林賦

使臣循舊典得以祭于林仰瞻愧且淚何敢言肅欽新雨善
草滋高雲嘉木森附汗澤百世依祖歸四臨防山脈自岱泗
水環其陰洙水遠其陽斯文繫天心普天釋聖語夫子

道至今述聖冢昌昌生著亦如簪

丁酉

上元夜邾橋

半日風幾厲初更月頗黃山隨人到海屋藉樹爲牆吏散稀
燈火寶懽足酒漿鳳城踰二紀纔一在東方

青州試院得送花貯淨餅

校士重門靜遊人近郭回世無千日醉春有萬花開礪埠儒
之壟琅邪帝者臺一筇扶未得簾影與裴哀

臨淄道中

乍暖猶寒鬢任斑行行天在澹濃間春風呂望諸孫墓東海
周王一國山桑女耕男豐象早肩摩轂擊霸圖閒使臣自憶
燒燈後雪盡嶠萊往復還

獲石齋詩集卷三十九

三

出張店

周旋跌宕不闌珊雨雨晴晴總一般政要梨花籠客夢多煩
柳絮撲歸鞍長山小縣前頭曉薄靄溪村兩畔寒乍起兒童
趨市立慣經人吏把官看

過鄒平

我已能忘老天應與散愁無邊麥苗毯不住柳花毬長白山
中賞摩訶菴裏遊若爲謝公句如見黛溪流

將至濟南

人別繡江東西來百里風單椒何秀澤落絮大溟濛門口明
湖綠樓陰返照紅馳驅聊暫歇襪襪莫先通

濟南使院海棠已過感題

就是蓬萊最後仙了無塵事許踟躕龍樓鳳閣春三日柳陌

桃蹊尺五天微雨東來新月上石橋南畔畫欄前海棠卻也羞人老京國攜家十八年

至曹州牡丹已過

屢與花期屢後期花天况復妬風姨蒼苔小院飛蝴蝶綠樹深城叫子規酒散獨依斜月坐春穠猶屬老年思村村姚魏家家託鄭重何人折幾枝

貯芍藥於雙餅題壁二首

定陶國中十二釵相逢不獨憶翻階絲綸閣迥承 申命闈闔天清過已脾新筍園林穿白練嫩萍池沼聒青蛙江南梅子城南杜白髮悠悠自小齋

曹叔祠前路短長漢高壇上極微茫丹陵雷澤春蕪老伊尹萊朱落照黃今夜可能無美酒來朝還更有濃香憑他千古

蘄石齋詩集卷三十九

離愁劇付與雙河柳萬行

曹伯祠

式序差隨弱弟肩世家猶鎖廟門煙社宮噩夢神明見荷澤遺封盼蠻傳季女南山春翠後黍苗陰雨夏寒邊孫枝若也瞻周道不忘僖公廿八年

茫縣

顛頂遙墟落來瞻孟子曾麥收民氣得市入我懷憑請老傳惟敬紓憂讓所能誰家若宣獻亦可以賢稱

裁剪四照樓前花木

一水潌洄跨石橋岸南岸北樹陰饒大槐合放紅棠出高柳休遮翠栢凋宛似賓升偕主拜直須陽長使陰消明年倍得春光好已字欄迴對鬢翹

濯纓橋曉坐

柳陰水東來惆悵清渠一人之一日生詎非死一日我之死
也多生則未能必所以朝聞道非徒時勿失朝聞而夕死于
我事方畢夕死不朝聞哀哉誰與恤南山翠雲起東海紅輪
出獨坐石橋身悠悠自心休

題菊花

歸自臨清種晚花樓前橋畔水之涯細開愛爾搖風色僵立
愁他縛竹丫霜鬢一尊遲受代山妻諸幼早還家 國恩深
被鄉園及不少秋英臥徑沙

觀張翰林宣至正乙巳所書題蕭山縣令尹本中

吳越兩山亭卷聽冷起敬琴次韻二詩漫成二首

漁浦一灣山色斷琴心三疊鶴聲來算應康里鮮于後明祖

蘆石齋詩集卷三十九

五

元呼小秀才

史局名流直等閒仙郎協律謾相關所憐不少鴟夷子終古

吳山對越山

補為曹大宗伯秀先七十

尺一東來趣暇辭青州城外柳花時還朝數過街初雪直內
徐行鬢各絲笑我同庚方老矣煩公有句輒酬之等閒是事
拚輸卻只讓燈前醉百卮

戊戌

政和鳳池研歌

背凹玉筋鐫兩字元年八年都不記賞家每玩宣和印道君
先識政和義面篆八字涵小池兩旁山形低參差一鳳翺翔
儼欲下九雲左右相繞之其黑如漆潤如玉其光如鏡叩如

水墨如油兮磨無聲南唐坑采端州谷乾隆戊戌春王正錢
子購得踰瑤瓊六百六十幾年刻勉旃昌文立修名

雪曉入直 上書房

于郊

祈穀達

皇誠卽夕昭靈降瑞霽穩歷金階坐書幌靜依 玉殿聽春

城五經論後詩懷澹萬歲山高樹意生上書房 乾鞭得土

牛纜四日太陽催釋快農耕清問之東北嚮

雪後馮相國招飲獨往園

雪晴風定噪檐禽老伴新詩向壁吟三十一年重見畫百千

萬事忽愁心出規名畫予了外所購王奉常富春大嶺卷 家文敏戊辰秋攜去者不知今乃在相國所雲煙過眼原

都幻尊酒論文且復深傳語海棠須記我前春澆汝正紅陰

臺石齋詩集卷三十九

六

上元後二夜復雪馮相國次韻見簡疊韻以答

罷作燈天對凍禽又聽園雪就微吟奔騰萬里春來信寂寞

千秋老去心白屋溪山梅瓣大紅衣關塞馬蹏深較量俱入

東風晝正月田家况愛陰

上啓變詰

西陵恭紀

上元三日雪晴辰向曉風號徹 玉宸

大駕上

陵皇子孳小祥如禮

祝文申臣民實見三年達敬愛長教萬葉循

天護

聖躬寒氣薄易州山路從義輪

石鈔歌

蘇公別黃至真州寫經營止楞伽院泉甘名之慧日泉至今
泉在儀徵縣縣人客京尤水村日日飲泉鄰佛園市頭一日
石鈔買周種餉公器尚存鈔如盞空如玉温厚慳半寸照徹
噉玉蒼盞香煎茶煩有流無脚何有跟旁琢耳三菊瓣翻小
銅環穿柄所根其柄赤銅三股協提處範一茨菰葉葉尖分
股股下接後一前一二憑手捻其蓋元祐篆可摩其底火斑剝
落多中容一升平不煩鈔初見公輒與哦我不見鈔曷以歌
嗚呼種方司理于江寧公未赴汝雷金陵哲宗改元公入侍
薦種學官相識曾後來種疏安石配神廟公也兩章自劾繆
舉懲一鈔之交悔且晚乃用圖此來誇稱嗚呼石兮石兮亦
可愛銅腥鐵澀不宜染愛此蒼然深且寬公次韻周種惠石鈔句燒器雖輕閱人代隔江試望東岡

堉石齋詩集卷三十九

七

閒愁絕南唐失研山

馬士英庚辰秋暑所題施霖畫頁

解道種桐三十里露涼月皎引倪迂南朝莫漫愁江令書體
元來一俗無

題趙子固水仙卷

一段生綃本是冰墨疎香遠寂寥憑真心到此毋相謔絕藝
成來必自矜篋有蘭亭懷寶獨舫如米老出遊恆祇愁微步
凌波去處子雖逢儷未能

質郡王梅竹小幅謹題

卓午經帷風自披茶聲初熟靜相宜宣城管試歙州墨李息
齋兼揚補之皴石氣蒼晴雪後點苔痕澀早春時勒寒待暖
今年閏分付羣芳也莫遲

飲施侍御學濂寶石齋觀巨然山寺圖

道北娛賓繡衣劇玉琴薦冷春風晴補菴舊物手披示略無
滷染半丈橫列嶂羣木三面江王維范寬千人英郭熙得苔
峯髻老米黻得雲巖腹清虞奎章先古句着目青字欽逸態
生東維子且高曲和俯仰矮本流遐情治平寺歸幾閱世錦
贖夜照油燈明吳文定來如發覆後之觀者今猶名座上樹
疎客騷屑窻裏山小秋崢嶸請君綠醕滿瓶注百分不厭搖
金觥

施侍御學濂寶其尊甫安三十五歲手錄是年丙辰詩稿七十四首裝卷屬題

伊人早稱詩名在雍正歲兼葭秋水間所不事科第遺文故滿家刻集已留世茲其一年心真蹟獨連綴我

堽石齋詩集卷三十九

八

皇初元時徵士起幽滯賢者實韜光倏然自孤詣采彼杜若
洲鼓我木蘭柁樊榭對笠檐壽門接簑袂祇嗟兩氏哀女也
中郎繼有子侍御如鳳鳴遭盛際縑猶一匹工帚不千金
敬敬爲告方來若何美斯濟

讀書峯泖圖爲施侍御題

明有歛人江德甫不住黃山白嶽間卻來九峯三泖處結得
蘿屋開松關作高遂乞沈士充嵐光際野波窮灣柳嶼雨昏
出青箬秧田日落飛白鷗耦堂耦堂嘗此寄廿年自許書堂
置讓君杭郡始遷人占我鹽官舊分地輞口非無裴氏朋鱸
魚只欠張家季畫餅胡然覩所思刻舟髮若尋前事一峯細
林一鳳凰一泖圓接一泖長沈君之圖爲江子德甫之乞爲
耦堂我昔曾裁九峯詠我今欲浮三泖航紅橋路斷禮金塢

茶竈煙生鋪筆牀

見南鄰桃初放

昔賃曾吾屋今遷已別家十年親手種一樹隔牆花
丁令看猶是莊生喻有涯不知紅影裏仍長綠
萱芽

次韻馮相國行香山下望臥佛寺一帶

深園小病自春長每日前湖見柳黃如佛臥來愁
世味奈公

詩好報山香來詩云花落香山到處香寺頭樹又幾年大指劫谷口苔還三月

蒼退谷在臥佛寺右其款段馬今尋舊去櫻桃溝處坐斜陽下即櫻桃溝之伏流

再次韻簡馮相國

輦道沿山冊里長風飄蝶白更鶯黃相公歸騎紛春思臥佛

關門自妙香刻嶂連天晴靄澹明湖近 苑晚波蒼村深塢

小參差見肯有花枝不向陽

蘊石齋詩集卷三十九

檀欒草堂海棠花前賦

九

張幔作亭鋪廣席向花把酒會羣仙風低欄角繁陰動日暖
檐頭嫩藥鮮不醉不歌非我事相思相見又今年深杯且莫
輕澆與自笑無端老欠顛

復作檀欒草堂海棠花歌

苑西曉駕轂觶車鐘樓東尋相君家相君未歸庭自碧舊樹

錦濯新枝極十年常來一年隔春風 帝里人天涯我豈不

思城北樹樹豈不如濟南花濟南一株高過此四照樓前一

渠水花身岸口影水心晴紅壓歛溼紅委杜鵑催回繡江東

家人為言花爾紅曹叔祠邊牡丹訪不見又與樓前同等閒

大抵芳時誤難道新人不如故十分惆悵濟南花一倍纏綿

城北樹天公忽妬風伯噓撒沙中筵撲方疏眾賓已起主人

謝獨酌大斗重趨迴旋風力鳴子珮動搖花光牽我裾有日吳船別花去加餐花候寄雙魚

馮相國邀過南淀小園借山樓後好在亭看海棠佳園幾隔往還緣春色多濃草木煙爲政從容承化日賦詩澹泊向高年遠山入牖譚無雜新葉遮亭坐屢遷蜀府一株旁侍立紅牙十八正嬋娟

張明經燕昌贈巢孝廉端明先生鳴盛所製匏尊而作歌

匏尊聯句歲及壯小方壺裏桐花陰故人半入黃壤夜對此翻驚白髮心感君惜是巢公製我錢與巢交以世先侍御狀公所爲年家子實深相契江園何處江天長葫蘆誰種笹籬荒少時欲訪迷村路今者來思在帝鄉明經不獨匏尊惜

蘊石齋詩集卷三十九

十

迥含愁
同里先賢諸墨蹟俱收吾篋裏文獻奚取他家爛金石匏尊本雙一自留我方不作酒器謳鼎鼎百年都鑄錯那勝殘醉

奉題 定郡王清漣晚汎舫

高齋常日領清言橫卷龍眠筆偶煩被服詩書儒者術光明孝友

聖人孫鳴蜩柳暗休迴艇驟雨荷深只在園待到 苑西初月上青山影裏自沙村

題先從父觀察元昌畫花冊子二首

少日名場最擅場蕭寥鉛粉尙餘香書來官後文徵仲詩到中年白侍郎

官職聲名可奈何春風多處落花多落花不落春風在枕上

邯鄲得似麼

為宋舍人鎔題其曾祖閣學大業以編修從

聖祖仁皇帝親征厄魯特督中路饒大凱還京王翬畫北征
圖冊後

鸞輅臨戎萬里行天山六月雪飄旌當年

廟算殲渠捷今日

皇威掃穴平克勒倫河新戰地 起居注館一儒生相門有

子從軍樂轉餉騰裝見北征

觀荷小集 并序

六月廿一日同直吉太僕胡閣學李學士嵇贊善王編修五

學使釀飲同直諸先生於澄懷園荷池北岸柳陰下倪編修

所居 載 以試事奉

蘊石齋詩集卷三十九

七

命入貢院不與翼日 皇十一子倡韻徵同席之詩爰補次

最識風裳面難拋雪鬢年參差吹且望容與采休捐官裏行

何促觴餘寫漫傳 苑東涼月曉應教讓諸賢

題王進士元勳東溟草閣圖卽送還嘉定

海國問膠城詞壇繫舊情豈惟歸太僕亦有四先生君乃諸

侯客年今進士成蕭然還草閣且不負鷗盟

閏六月十二日五學使再飲同直諸公荷池北岸

預坐用前韻

且復陶嘉月曾非厄閏年櫻毛鞵可繫蒲葉扇難捐采采西

冷見番番白紵傳鴻臚能好事始覺代庖賢

前數日倪編修擬鴻臚卿

廿五日五學使三飲同直諸公荷池北岸再用韻

二首

近數去聲陰晴日歡忘大小年真成五侯飫奚翅一金捐蟋蟀

欄孤凭鷓鴣杓緩傳相觀立如玉豈謂色猶賢

侍文幄如朱文勤懷芬有歲年荷風非夢續柳雨信塵捐

苑外仙招及城中夜話傳未能常酌酊祇辨聖於賢

送馮孝廉桂芬還海鹽

曰自錢馮契都逾二百年先太常講學子承啟堂孝廉之先大參豐陽公實來師事而以女妻太常之孫我巨源府君是

豐陽宜有後海上早稱賢秋月催南雁長江待北船

搏扶方六息詎必讓人先

為倪鴻臚題其先給諫國璉畫梅蘭水仙蓮菊竹

松冊子

孝行聞公篤學名墨花藹若見平生題分七種堪三絕心在

孤芳恥眾英諫草篋中無賸牘使車江外不旋旌青青風露

蘼石齋詩集卷三十九

五

東門茶傳得當年訪友行事見厲徵君焚榭山房續集

澄懷園所居春日皇十一子題扁曰花塢書堂

秋日賦之載製楹帖云池上土為山朝陽夕陽幾面園中春在樹十年百年多株

苑東園 詔侍臣居下直分門屋有餘山水周環百年樹天

人元妙八分書板橋雨滑誰尋菊沙圃風寒未灌蔬講讀循

名稽自古捫心夙夜媿難如

晚出花塢書堂池上獨行

輾輓南城祇半句天街已仄桂花輪憑伊來往知乾鵲任爾

蜉蝣齒大椿釣蟹無竿還放蟹采蓴有艇漫思蓴蓮房荷蓋

紛相對誰是清明種藕人

引藤書屋對菊分賦效左太冲禁體

返照明屋櫺絡架稀藤陰石臺寒有色瓦缶列成林招攜及

孤筇談言罷素琴藥欄于以靜堦
蘚蒼然深苔亦可設玉
危行復斟所期廊廟具不負巖壑
心亭亭修筠交謾謾長松
臨歲華但如此君子惟德馨

二首
九日馮相國招飲獨往園登高屬作墨菊卷卽事

仍循磴級當欄扶自去東州兩度孤樓外山青元不厭尊前
髮白宛相俱秋供畫本祈人壽歲關詩踐奉客娛才大未妨
官事攝翰林學士執金吾

瀛洲一老錫山公體淑含純四座風大司空嵇先生雍正庚戌詞臣今在朝詞臣皆後輩墨

瀋橫圖霜野候匏庵勝侶石田翁酒半董少司農出致沈啟南卷墨作一枝大字九日七律一首爲匏庵作
者斜陽合任流連往往事毋教幻影空紀劉文定公藝文達公王文莊公家文敏公園中九日之會
例許春秋來必醉明年先畫海棠紅

再集引藤書屋對菊二首
稗石齋詩集卷三十九

三

登高各何處觀止復今辰西爽非無緒南華別有真天風吹
欲老霜日照逾新一自餐英後端惟漉酒人
簪履從譚往尊疊儘汎秋未應吾道拙不及此花幽寫以琴
三弄參之茗一甌金釭搖素壁瘦影但相留

錄春杪作

何苦文通說黯然此情相別漫相聯花都落瓣寧非樹水不
迴流本是川楊柳絲飛赤欄外酴醾雪捲畫簾前少年最解
春風惜一倍難勝况老年

蘄石齋詩集卷第四十

秀水 錢載 坤一

己亥

元日會

吳香亭太常陸耳山學士彭六一侍講會於陳伯恭編修宅

月華門內拜退卽詣

先師

泰陵祭

上以大祥及方十八日啟鑾謁

內廷諸臣皆稽拜於

月華門內

乾清宮東南房西嚮以

上書房北嚮

近雍正間設

至聖先師四配暨周程張朱四賢位

上三更起

親行祀

禮黎明

上書房諸臣入行禮

紫禁出方午春街行未遲雲山宗黨隔禮節友朋

爲綵勝家家始辛盤色色宜

昌朝萃文藻老輩慎酣嬉造

化通書畫平生辨正岐蘇黃元有蹟陶謝欲無詩振蕩攀難

及蹉跎悔莫追

伯恭出觀本朝名人書畫扇面冊中有家文端公詩蹟一載拜觀不能釋公薨五年敘載自幼載今年七十有二始知

今日之

杯深先我醉燭短各心知江外風梅萼城邊雪柳絲歡

場明是寓暇日健多隨政必郊遊近轅駒尙可騎

蘄石齋詩集卷四十

蔣編修士銓去歲北上攜其子明經知廉秀才知

讓道南康遊廬山作記與詩其子皆賦古詩而季

子秀才知節亦於家賦寄古詩過揚州朱都轉爲

之圖旣合裝成卷先以佳醞屬爲之題己亥試燈

夜

兩泊章江秋月澄文簫行處未吾登山只許畫圖有慧業

誰如父子能巷口晚風吹送酒檐牙高樹影懸燈飛流三峽

橋南北持向天台賦老僧

上啟鑾謁

泰陵祭

泰東陵恭紀

春正癸卯大祥臨

聖子于

陵致孝心萬化迪

前端在禮一家歸厚肇維今山河永衛蟠元氣松柏新培植
翠陰拜後孫曾俱仰切露零風曉
慕思深

鄰桃又放

種桃人可奈兩度隔牆看爲置昨年閏如祛今日寒春陰仄
簾額晚色過檐端莫必蜂兼蝶誰凭樹下欄

奉題 皇十五子翠巖清響圖

水木東園絃誦聲昭文任爾判虧成敦經說史天人業理性
修身德藝程一筆獨超函董巨皇六子質郡王補圖衆山皆響領韶英
松風滿谷泉流石靜極無言膝上橫

蘼石齋詩集卷四十

二

北紅門外桃花

蔚藍天自曉涼水河方深土山曲折內烟柳高低陰一枝復
一枝一林又一林寒食城南節少年馬上心時雨久相待飛
飛莫或侵何人重相憐采采不可簪寂寂環小村青青帶遙
岑曾非攜榼遊且獨鋪茵吟亭虛十二欄風急下上音如聞
艷色太豈負霜鬚臨

題劉農部文徽讀書秋樹根圖

君家濱水九江一江上讀書年復年學士也吟員外置長康
還以箇中傳打頭落葉寂無侶送目秋鴻希在絃贈得武岡
方竹杖樊川奚不共蹠躡

草橋南坐往歲修禊處

紛吾及東風旋車自 南苑披裘曾不寒遊目未爲晚波明

柳色圍岸仄草痕偃誰氏林如園是間飲且飯萍開盥手嘗
鳥散聽詩宛數起獨徘徊相扶極繼綵梵音對香剝嵐氣接
晴巘桃綻亦今蹊蘭枯猶昔畹地非春夢後人有天涯遠太
上復何情流連輒知返

送王大理昶請假奉太夫人歸里葬先大夫二首

十載從軍滇蜀徼元戎獻捷丙申春掌謀蓮幕書生力拜慶
萱堂孝子身報國實難先鎮定得天雖厚總勞辛全家 帝
里登蘭舫勿謂歸人是幸人

捧土成墳祭大夫冰霜完得髮兼膚國儀孔雀翎加帽

郊勞明光甲被軀維子文章元有氣若臣家世本來儒鴨頭
蹙蘸春風筆更就淞南絕唱無

題詞卷二首

蘼石齋詩集卷四十

三

獨自登樓罷撫欄奎章也復寄情難杏花春雨江南句羅帕
何人濕淚看

小令清真諷幾回坐銷銀燭罄深杯舊時衣袂東風淚惟有
桃根說與來

題韋編修謙恒秋林講易圖二首

翰林重入老經師學使曾傳講易時萬里黔州蒙 簡擢諸

生魯國悵追隨操觚歲月非難得開府功名不易爲一片大
明湖好在爲君披豁始題詩

大明湖種藕人劃水面區分蘆界汎舟藕
直小港中見蘆不見藕花余在濟南竟未
嘗爲
之詩

君是前遊我後遊一林秋過幾年秋橋南孺子纓斯濯岸北

莊生芥以舟

使院北嚮濯纓橋在四照樓前西則柳芥舟也歷城
山在樓南碣華在樓北今圖中所見半余未及詩者 杓突泉
聲嘗出郭碣華山色又登樓相看自笑何知易高柳寒鴉也

白頭

錢舜舉梨花

愁他俊侶雲溪翁葉軟花明賦色工金鴨不燒寒食夜祇應
媚媚到歐公

御試試差諸臣於

正大光明殿

欽命詩題賦得山夜聞鐘得張字擬作一首

山寂人無寐鐘清夜未央却緣心動乍頓使我聞長一杵澄
紛紛諸塵浩抑揚壑雲猶絮惹天月正弓張燈不羣峰黑衣
先衆樹涼去來今了了言象意堂堂

聖教鯨鏗喻真風谷應翔微臣竊深省本體具明光

澄懷園池上

權石齋詩集卷四十

四

池南池東水勢廻昨暮急雨聞奔雷暖換單衣寒復裊楊花

飄盡鳴雛來

上啟鑾詣

泰東陵恭紀

西瞻佳氣鬱從東孟夏茲辰示有終

釋服未忘經駟隙

朝

陵增感徹松風

慕踰五十重華邁事儼生存達孝隆 皇嗣親臣敬陪列萬

方都式

孝心中

種菊滿書堂之庭載當扈

蹕

避暑山莊曹大宗伯直廬西近許為灌泉除蠹長句奉簡
三月分科四摘頭五肥六水旋關憂節過大火焦于火盼到
中秋菊有秋好是張南趁周北絕非王鞅泥裴轡塞程歸馬
先重九花塢堂前竹葉芻

熱河 先師廟成

上親行釋奠臣載分獻恭紀

曉月清風

法駕乘 莊西禮劄駿奔膺

文思天子崇儒至武列雲山鼓篋憑承德府今新廟作乾隆
年肇大昕徵謾論蜀郡儕齊魯上塞雍容古未曾

重宿甘露寺

摩石齋詩集卷四十

五

畿縣古槐二

行宮一水分盤根空院石接葉短檐雲青瑣客加大醫王
夙聞西窓望葱蒨燈影動沍沍

趙北口水行

劉李建瓴黍梁侵撐船指驛梢葉森四十九淀 畿南利七
八月間雨集深賀六符驚塘灤眼信天翁樂魚鰕心我儂有
鄉諳穡事疾速直沽趨海濱

題道旁柳

鬱鬱偏多繫紛紛獨有絲踈蟬難與說落月不相隨野曠長
鞭揣秋新短髮疑高柯應未改生意即芳時

高唐

幾度魚邱驛難尋馬頰河爽鳩安所樂鳴犢為之歌小市人

聲散高林日色多漫傳方朔廟其奈滑稽何

曉行次張中書虎拜韻

肅肅五更曉沉沉千里空秋聲大河北海氣泰山東並轡來

天上孤襟向月中九輪環寶色再見埃君同丁卯九月十五夜在南昌城中見月華天

青萬里淨無星雲皓月一輪倍常圓徹乃放光倏忽周環四輪淡如桃光觀于桃
濃如翠光明于翠淺黃如芙蓉紫如霞鮮于霞自內而外一輪光之兩邊
如剪兩輪光之相際無縫然後再疊登如前濃淡淺深之光而外一輪光之兩邊
體惟著月桃光一輪比月體而兩之其光一霎而吐四輪又一霎而吐四輪眼不
及見也于是重重華定一大圓鏡中團圓現五采重輪頃之一霎月非一片圓如水
黃金盤帖于桃光之前然後九輪光之相準與月而十其時月非一片圓如水
晶毬掛黃金盤中動搖不定于是水晶光穿黃金盤光如金線如金絲縱橫四掣
于八輪光中屈折伸縮而不越廣輪之外其時長踞仰觀無可贊頌頭之倏忽不
見一霎齊吸一片圓月淨無星雲天青萬里夫五色比象而九輪光之寶色人間無此流艷者其濃翠光迥不與天青光同

西楚霸王墓

太公孫創霸戰國禍相尋遂有驅除力還生受禪心黔黎殊
噉噉蒼昊豈惜情垓下虞兮後東阿棘草深

穉石齋詩集卷四十

六

又題一絕句

楚雖三戶太紛拏玉玦提王悔莫嗟至竟赤松元有為山河
表裏又誰家

東平

小洞庭何處重重問鄆州墓門元總管書檮漢春秋酒勸三
堂月人催一笛謳相思獨不見却為使君愁乙酉寒夜江南使還同年沈太守時為州

牧觴我于州麻

渡汶

邈矣中都治蕭然汶上名日華烝水澹烟素抹林橫蹟有鏹
堤築人難史祿生尚書逢白老江海運休行

孟廟下賦

孔子栖栖後天心竟不還梁齊言輒副管晏遇猶慳孟并知

鄒國秦碑到嶧山歸儒黃老尙未及百年間

滕縣南刻石滕文公行井田處

下澤高陵道必因齊宜廣土衆于民天心若遣滕君似豈有
縱橫遂帝秦

渡河

天風幾百里吹河入淮泗河兮往復還早晚徐州至

徐州六首

荆山鑄姑舍泗水沉惟寶欲令魑魅愁盡出置京鎬
彭城自山翠夕陽如水流亭長守四方惟知猛士求
聞之上元夕曾有太乙精校書天祿閣在昔劉更生
堤柳復堤柳華裾歌舞筵能無白太傅亦有杜樊川
燭天寶劍知盜發亞父冢龔生非吾徒老父乃不恐

蘄石齋詩集卷四十

七

細馬提壺勸山園遊復遊還將一枝笛吹月坐黃樓

隋堤

看花曾未到揚州入泗通淮汴水流枉却一般歌舞地柳枝
還比竹枝愁

褚莊

山驛有北窓庭隅數竿竹旣避日杲杲况來風肅肅鄰雞鳴
土牆碧草長茅屋槐陰半樹欹蓼穗一叢簇昔年此曾飯今
夕又將宿涼輕心適身趣靜手隨目王程明且戒淮岸老猶
熟月出已晶瑩檐飛自蝙蝠

舊識

舊識徐州好徐南也不忘君山富倚頓孫盛屈眞長苔井味
蠲渴柳亭陰納涼苻離明月三五倍流光

聞臨淮黃流已縮

聖人湛玉祭河莫害田功奪淮不得已元自下安東

禱河辭

清水受奔騰黃水貫渺漫低村縮猶浸稻屬紛遙灘儀封考
城決譙邑渦口延築塞重築塞去年及今年

天子軫黎元不惜億金錢河莫泗濱去河其彭城還其徙亦
無所海門東且寬况借洪澤河仍走雲梯關河心詎不明河
力庸有艱沙排故道深飈駕經流宣我

皇禮河至增廟徐州山揚旌飮醴牢福民歲告虔河分亟此
絕河兮復彼安徐州上下州夫柳萬萬千有隄天忍棄無隄
天忍殘幸勿久于淮淮淤功莫殫

題臨淮乙酉甲午宿處

稗石齋詩集卷四十

八

一宿竟三宿無愁端有愁雲扶圓月上淮帶濁河流湛湛桂
華濕踈踈瓜蔓秋馬蹄今已老尙自識南州

紅心驛

惟草有紅心于人何以任雲沙別淮浦烟柳向江濤寶劍黃
金勒羅鞋碧玉簪已難成結束不獨夕陽深

定遠

十五岡盤伏元衰豪傑生虞姬猶有草鄂國豈無瑩樹短村
蝸舍山遙縣斗城雨來忽數點千里落霞橫

廬江怨

何以生人有至艱生人淚落在人間竹竿魚尾男兒易青鏡
紅羅女子難君爾尙猶蒙見錄妾然終竟絕來還傷心念母
勞家裏字字皇天聽亦潛

爲焦仲卿妻劉氏作後復感成二首

蟬磯詞

肅肅迴風江上秋
蒼梧未解此離憂
情忘兒女家初造
禮絕婚姻孰是讎
白帝城遙雲色暮
永安宮在月華流
天心欲定三分鼎
特假參差作好述

沈園詞

城南雖在此生違
西掠三巴萬夢非
春水還經寺橋綠
柳絲不向沈園飛
尋來塵壁詩何忍
行作稽山土是歸
莫莫連連徒爾爾
黃泉重見語應稀

發合肥

鬢絲星使

主恩頰風露
秋田歲熟新青口
紅心江北驛橫山
長水浙西

稗石齋詩集卷四十

九

人曉涼快步
驕疲馬夜永安
眠健病身稽首宣
防來萬福兒
觥春酒樂斯民

在野

在野蟲相應
知更雁欲居
曉風涼不已
銀漢澹何如
海上槎來碧
淮南葉落初
悠悠人自感
明日過龍舒

舒城

道出朱公治
心依母氏身
劬勞皆拮手
門戶獨樁貧
我父遊京歲
惟兒就塾辰
廬江江畔草
淚滴不教春

聞促織

發軔承德府
迢迢指南昌
星踈明月曉
露下秋風涼
風涼風涼蟲唧唧
早禾已登場
催人理機杼
禦寒成衣裳
天行聖所本
民事幽所詳
王業在艱難
萬壽祈無疆
蟋蟀旣牀下
蟋蟀又在

堂職思其職思瞿瞿士也良我行梅心驛言采蘭澤芳天柱
高不極大江流未央

北峽關袁家重觀文端公所留丁卯秋日山行詩
幅感而成篇

舒城南復南有館山之阿昔來見公蹟感往成清哦甲午道此今者
突挂壁淚落為滂沱公子昨已歿參差三日瘥敢云國之良

庶幾道靡他

至尊便殿

見

垂詢太息多祖母及陳書省本嗟其柯從叔刑部侍郎汝誠以五月七日病卒十二日薨

躡出古北口至

避暑山莊六月八日奉

命典江西試明日謝恩蒙

名見

上垂問汝誠太息至再四

天語曰陳書好人陳書陳羣母汝

誠祖母蓋自為錢家臣家澤亦世澤衰理則那請申公夙誠勉俾

蘿石齋詩集卷四十

十

錢後歌嵩華非不高我所願丈坡江河非不深我所願尺波
求福不在大仕宦瞬以過謙謙不在吉斂已猶防訛我不如
鳳凰小鳥自結窠積善有如公公聞或加訶閒庭桂青青知
我非婆娑

北峽次韻文端公秋日山行

北峽名以關斬黃客所觀東峰既分左西峰遂列右人行狹
其中土曠石多皺岡平瓦屋稍塢小稻田復林開鳥影翻坡
接礪聲鬪修延屈曲蛇翠鬱宮堯鷺呂亭馬穿熟投子僧歸
瘦露光對膏沐雲氣兩膚腴白沙嶺其先十樹街其後峽非
瀉一條關自立雙堠公勞拂旌再我晚寒芳又趨超天地廬
去去見聞囿松喬誰不寄蜉蝣亦云壽亟瞻瀟岳高徐攬龍
眼秀

朱桐鄉墓

直直征途過荒荒碧草蹤秋風一坏土漢日大司農祠尙傳
初詔民猶種小松誰無霑祿賜下馬豈爲恭

乘筏

急雨沙河下清風竹筏開歌如弋陽唱客似武康來江介秋
多水龍眠翠積隈村娃提甕出屋角又聞雷

青口驛

憶訪石牛洞歸乘燈火遙由來春草歇終古夕陽銷驃騎名
何減東風嫁小喬皖公山自好未必記南朝

望司空山

峭壁丹砂濕南崖衆壑趨隱嘗招太白名自晦淳于皖國舒
州在劉琨祖迹無祇應老苔蘚不信石葫蘆

釋石齋詩集卷四十

十一

宿松

山外有江縣縣南江有濱村皆稻擔了犢又麥犁勻桑落洲
西月楓香驛北人若爲定相見雲色澹秋旻

東禪寺

欲采蘋花碧玉流白蓮花老東山頭盧行者已嶺南去秀上
座亦江陵遊瑟颯野風縣郭曉縱橫潦水村田秋山門有草
僧何處佛殿無松客不留

渡海陽江

抖擻衣襟馬上塵海陽相見若爲賓江明樓堞無兵革山落
村墟少逸淪曉日涼風青雀舫郡曹小吏綠楊津沙鷗欲下
翩還起驚怪霜鬚似故人

雨至東林宿二首

匡廬勝未見屢過山之陰連峰濕微雨一壑流清音中有晉
時石磊磊寒至今遠公誠自得喬嶽非所欣田疇落翠塢松
檟延脩岑撰日詣巾履譚空晤書琴陶公亦適至濁酒任酌
斟邈然湟槃寄遠矣雁門臨傳衣問來者役役又何心

微雨止復灑深塢秋更綠靜對一林脩曠懷千古獨西堂飯
方罷新建詩再讀片石謂韓陵足音乃空谷白雲高以沉爐
峰失于目簷溜鳴蘚階階流出烟麓逆數三十年成茲一夕
宿初非池種蓮亦不籬采菊泉聲聞雨中輒已留僧屋

東林曉起二首

牆陰溪瀾瀾曲瀉青林間青林密千株坐對西窓閒風與泉
相忘泉去風復還霏微山不見溟濛門尚關昨夜我無夢不
知在廬山僧廚謂將粥客髻諒勿斑

葺石齋詩集卷四十

七

有情荷天地萬物無悴顏此心與物邇何云出人問宗雷輩
投契風雨時往還遂因蓮社托實耽柔者閑遐哉古之狂避
世忘其艱接輿與沮溺曾不擇名山

出東林六七里望廬山

連峰出雲雲半開奔渠捲雪響春雷雲中屈曲明如玉都是
天池頂瀉來

行廬山後仿惆悵詞二首

解珮何言遇洛神采芳先是托靈均似聞烏臼門前語却作
廬山背後人

萬里琵琶怨不還綠波春草恨無端任教伯玉中央讀莫把
廬山背後看

德安

言自九江至欲登敷淺原蒲塘寒歇雨烏石迥分村江色見
烟郭鳥聲聞竹園里中敦孝義合有太邱孫

望雲居山

楊柳津西見橫天濕翠拖蓮華城乃爾洪覺範云何雨氣巖
凹積泉飛樹杪多歐先生屋處半已覆兜羅

江西試院小病雙桂盛花已落

連宵深院露華滋孤榻重簾病起遲八月纔開剛一瞬百年

重到更何時南昌郡有吾家事北斗星明老樹枝辛苦最憐

攀折手長安落葉記憑吹擬留楹帖云老桂常花曾見先公初種此章江
再渡口傳小子竟成翁歎云乾隆丁卯庚午從

祖文端公盃膺 恩命典試江西其種桂樹于奎宿堂前則丁卯也公年六十
有二載實待行甲午歲奉 命典江西試則雙桂扶疎高出屋椽蓋二十有八
年矣爲之賦長歌今歲己亥恭遇 聖壽恩科復典江西試遂
題楹帖以仰紀 主恩秀水錢歲年七十有二旣而不果留

夜讀杜詩

葺石齋詩集卷四十

三

隴上陳安氣漫豪魏將軍曲蠟燈高祇應薄有騷人具十倍
分明萬鬱陶

生日題試院芙蓉

壯齒登樓地來朝揭曉天蓉枝愁靜女雨點狎飛仙整頓重
陽節夷猶八秩年相思誰遠道更賦涉江篇

百花洲追感金總憲先文端公二首

鴛鴦瀾瀾自相親綠芰紅芙間白蘋章貢一江廬阜見徐蘇
兩姓菜畦隣別非三月非三歲道是新人是故人今夜直須
洲上立露華如水夢無因

夢幻元知欠百年斷斷內省與齊賢狀元已失文章伯太傅
今歸兜率天下直考評嘗燭下登高樽俎卽欄前隄楊拂檻
窺人意風更淒然露泣然

檢得甲申舊藁憶趙永年畫卷用韻成二絕句

其卷

尾自題云在萬一春花事了好山不惜共登臨白雲青嶂常如許輸與漁樵領趣深元祐二年九月趙令松製歐陽楚翁云綠江遠眺對千峰雲水微茫影萬重只恐留春無計可漸來摩入畫圖中

趙永年作此卷惜春之意甚深也玩賞之餘仿其意題此

不惟尺幅漫空寫永年嘗如此長篇散綺臨段段春山落春水

奈何花氣與情深

方筇健可徧千峰春事稀疎掩閣重却笑卷還無藉在幾回殘夢出圖中

蘊石齋詩集卷四十

十四

蘓石齋詩集卷第四十一

秀水 錢 載 坤一

德安縣東過渡山行至隘口

渺然去蒲塘未能登傳易昨雨晚寒色初晴秋野香村中刈
稻了烏犍肥雞黃澗灣蒼麥秀柳葉明石梁窈窕既復隴蜿
蜒更重岡踰嶺見廬岳刻石懷夏王方輔暨匡俗欲尋恐未
遑赭峰亂可數修潔殊低昂枉道出其間從容副所望隘口
有擔夫停輿問答相

陶靖節墓碣

過江數人物見道有先生墓在廬山口橋猶栗里名田園樂
仁智甲子秉忠貞緬想不封樹當年葢寡營

溫泉和文公朱子韻

蘓石齋詩集卷四十一

一

主簿山下出松風謾謾起不屬陶公泉乃屬陶公里驛程借
我閒秋日比春美南衡邈迤來蟠根傑然偉靈砂洩真陽一
穴冠諸水孰是浴于盤臨之心自洗奈何繡嶺蒼徒曰朝元
矣榮謝辱不遭溫溫白雲裏

醉石和文公朱子韻

濯纓池之下底柱石之邊其南爲栗里其北卽溫泉棄官還
舊居有酒無塵喧酒豈必此醉醉豈必此眠後人仰高躅髮
想臨潺湲匡廬自名山彭蠡自大川茲石以先生相與光瀛
壖飲酒酒常得樂天天獨全前吟平原句後詠紫陽篇歸來
館何所但見飛鳥還

至歸宗寺南康陳太守洛書先在

松陰黃繖遠知君有約能來事所欣試院三句殊繾綣

今年江西鄉試

太守爲內
簾監試

山門一笑更慙敷殿頭耶舍金輪月欄角羲之墨沼
雲太守不憎遊屐老匡廬清夢暫平分

陳太守餉廬山茶筍石耳

雲霧茶性寒摘焙始端陽又有閒林茶汎若豆花香修靜植
苦竹出筍味乃甜比于歸宗齏鹹壘淡不鹹石耳生絕壁五
老峰則多採之大如盤頗奈絕崖何聞斯三者品至清至難
得今來皆惠予所樂其可極紙裏驛騎馱雪晴鳳城南燒筍
配石耳啜茗休塵談以思太守廉如對廬山嵐倘得老梅枝
助我清品三放筆寫詩竟石几生秋風紫霄峰影北鸞溪水
聲東

歸宗寺曉起尋佛印蘇公怪石供語刻石

已在廬山宿不作廬山夢五更鳴村雞獨起出雲洞蘇公得

釋石齋詩集卷四十一

二

怪石嘗作佛印供與餅浴江兒自笑易無用佛印刻其語苔
封諒在茲蒙龍松篁間回問拭眼師儒耶君子儒過泥者其
誰白雲復白雲何處納須彌

望簡寂觀用韋刺史簡寂觀西澗瀑下作韻

止煩簡以靜遠囂寂且深搗藥白邊薛聽松亭下襟雖亦托
匡居豈惟懷董林欲觀天監銘與叩蓮社心禮斗石一方懸
囊樹幾尋長落東瀑水清同西瀑音

寄題簡寂觀前六朝松

虬龍榦聞數十株種來劉道士相俱憩根可讀黃庭卷瞻蓋
時巢白鶴雜蕭寺梁年都莫紀畢宏章偃未之圖吟成且付
觀前去我亦灑然松有無

秀峰寺

隨雲邐迤鶴鳴還入塢周遭木葉殷
仁廟心經三寶上秀峰。

天筆萬青間書堂買地由中主瀑布燒松是了山直踏飛流
望江海鄱陽西對落星灣

觀王文成公正德庚辰摩崖蹟

文節七佛偈讀書臺右石石左乃大書如照涪溪碧鄱陽列
郡兵大戰實擒逆武皇旣親征遂俘歸廟畫于事亦至難宵
人在肘腋嗚呼南安舟是以見忠赤懸泉寒不斷落葉濕相
積寂寞緬千秋偶到浙西辰

龍池

漱玉亭不見青玉峽誰題瀑布春香注東峽東急瀉西巨石崩
且夾深流噴以低濤聲迸碎珠雪色翻晴霓渟爲龍之居淵

瑋石齋詩集卷四十一

三

若壘所棲咫尺忘靜喧崖壁斷徑蹊僧言龍洗池雷風莫端
倪積葉與墜梗盡出不少稽池層琤淙微石罅屈曲淒醜分
招隱橋嶸礫清無泥

立四望石文殊塔左觀瀑布

黃巖上更上蒼磴盤復盤崖跟旋升空嶺吞叉瞰灣坪石根
虛無面僅敷僧單遂倚寶塔峭相對瀑布寒其東馬尾水鶴
鳴龜背間其西雙劍陰坡頂瀑所源其中大龍池深黑物有
蟠濤觴始涓涓建瓴下潺潺巖壑受之漑漑平流穿孤寺
蘚苔徑雙崖篔簹烟水亦自口出石脣缺無前一落成此奇
天下之絕觀初如匹練挂直是銀河翻半腰稜摺摺中幅斜
翩翩鐵色十里壁玉光千仞湍曳風雪灑紛撒空珠跳圓玉
垂石縫稠濤春石齒喧荒坳逝何底恐墜踵不安奔流信無

事青峽下開先高高嚮彭蠡天外江流寬秋晴許我遊一筇
卓千巒懷哉懷家江所不生羽翰雁蕩大龍湫石梁天台山
緣瀑布落處入黃石巖望雙劍峰

松篁崖步仄蒙密天影開巨石積大壑壑流滋石苔水惟無
他去瀑必自此來窄客峰陰陰琤琮雪濯濯髮想龍不躍竦
對寒無雷篁風萬瀨澗松雨千崔嵬翠皆著壁起高豈由人
栽立於靜深內笑瀑外喧喧巖房亦峭絕何必啜茶杯

過萬杉寺不入

修林何陰陰有徑出稻田三門自深深有僧立秋烟遷鶯谷
聲靜慶雲峰影圓松篁自左右踈密相周旋爾寺何以名萬
杉天聖年今雖無遺株客亦不問禪冥冥過去心日落山蒼
然

蘊石齋詩集卷四十一

四

三峽澗

竊然淵水來石觸叠怒投天開巨石根歲積衆水流上下左
右崖分合大小湫苔草隱彌縫泥沙淨別搜玉蒼瑪瑙紫凹
凸滑不留濤翻雪斷靨雷霆發不收水有羣龍戲山無萬古
愁譬之灑瀨堆條忽如馬牛大雨沒樹腰祇少出峽舟祥符
橋尙跨魯班巧所鳩虛空適獨立水石憑相求落落何大方
靜對忘其由飈生一壑響天迥四峰秋

觀淳熙錢聞詩三峽詩石

樓賢大谷秋雪浪一條碧支筇過橋來不可無此石公代南
康時嘗佐白鹿役八分見性標七古存風格欹斜壤壁嵌指
點老僧惜慨然巖壑題邈爾晉唐蹟

玉淵潭

萬壽寺東南九十有九水徑于棲賢間入于三峽裏平流練帶如踈響松濤比蒼寒寺南灣岌業石叢倚橫觸又斜衝奪隘仍破壘雷霆谷應動潮浪雪翻委大石中有坳澄潭下無底欲落何可落欲止莫能止匪石甚廉悍惟水太俶詭輪旋風激高雷瀉梭投駛落潭潭則靜漾漾淵淵爾明鏡明展前碧玉碧涵此注之三峽橋龍壯擘崖紫出乎清泉澗漑稻田功始悵然潭上懷五老峯環峙楞伽院其西灌莽荒難理不來讀書蘇久散藏書李其隣卧龍庵縛屋嘗朱子庵名即潭名諸葛繪圖祀宋業不偏安誰歟卧斯起古來重賢達輒若輕鄉里悵然潭上言擇處仁爲美

棲賢寺觀舍利十二粒

秋翠深于此巖松磴竹偏芙蓉高自出雲霧晚齊舉偶到三

稗石齋詩集卷四十一

五

門步徒留一飯緣不須觀所寶寂寞向名賢

白鹿洞書院

五老峰東南下爲後屏山一山隆隆起四山宛宛環廬岳控湖江蘊靈于此間李公養白鹿無洞名自傳南唐泊北宋設學遞大焉復興力朱子繼踵懷明賢

仁廟褒正學奎畫耀瀛寰人文作一區講習涵百年藹茲衿佩心樂是山水緣山廻修不高水深循以灣橋分徑竊窺畦出峽潺湲懷仁若抱義得見方知然入門拜廟肅歷階謁祠虔文會堂清清秀萃莫可言豈惟誨有師豈惟餼有田鄉隣無徭役城郭無戈鋌明誠中庸至敬義德業殫願如成公記淳固慤實還科舉義利岐舜跖人禽關道非貧是憂學非祿是干如徒場屋志曷弗洞規觀松聲院東西竹影窓後前雲

壑此間壑風泉此間泉偶來明即去獨寐歌碩寬

與陳太守別

書堂松影一窓前斗轉參橫又適然再渡章江無舊雨同登
廬岳有前緣星軺却徧行公治竹馬真多說守賢此去聞于
老桑亭谷簾泉不上廉泉

過楊梅橋

山南山北翠逶迤樹葉多紅髻有絲九疊屏還三疊水相辭
澗上忍相辭周益公廬山後錄過大富莊至相辭橋蓋當日澗上之橋即澗以名也

高壠陳生翰爵家

進士罷東令新墳栽白楊漫云三徑就全是一莊荒意外出
尋訪江邊生感傷看君遺子姪科舉學方將

吳郭山口騁望

蘄石齋詩集卷四十一

六

神鴉飛飛接食秋落日欲落金沙洲不見鞦山雙女子宮亭
湖自入江流

拜元公周子墓

一方清泉社數仞三起山嗚呼鄭太君丹徒改葬焉維公少
而孤奉母想至艱改葬在辛亥維公卒明年治命葬母墓南
康喪此還右耐兩縣君山小封近巔皇華幸道出趨謁整裳
冠祠田及主祀題碣皆明賢松林肅周視問答猶裔孫陽峰
面蓮花四際峰繞環行實具文公孔孟統所原灑落如光霽
發自文節言江州龔萬古太極說數篇山港名濂溪緬初即
清泉

九江夜雨

多煩官燭伴深宵已分廬山入夢遙庾亮樓頭人寂寂江州

城裏雨瀟瀟王程惠遠東林社離思潯陽九派潮酒美近來
偏不飲任他庭院菊花饒

自過黃梅連日看秋山紅葉

皖國山如畫楓林葉未飄丹黃明且艷赭黛近還遙峰下村
低屋巖間寺隱橋最憐斜日照漸見白雲消

柳下惠墓

西瞻寒野壟僵立宛州碑聖自先尼父風還踵伯夷道存去
邦謝欲盡坐懷知故社如新廟應題魯士師

庚子

恭和

御製元旦日雪元韻

歲夜立春陽甫泰歲朝呈瑞臘猶微妙從相際

摩石齋詩集卷四十一

七

天心見快得如斯玉屑霏萬國朝正被優渥

七旬恩詔播時幾勝於元圃成堆積實有龍公効指揮庚子
五逢開慶宴勾芒三致答

宵衣江梅肥綻迎

盤輅隴麥青含達

帝畿輻輳穰穰民氣樂馨香穆穆

聖功希

謙尊詎在諸祥賀第一惟欣稼穡依

題閔貞奉膳圖

追慕得其似自圖傳二尊筵陳猶酒肉禮事若生存楚樹漢
陽郭啼烏江上村始徵昆與弟嘗不問人言

安肅

雞爪泉宜菜龍山穴有風參差重入望汗漫早成翁麟塚垂楊外鵝城返照中張箴與劉頌那不劫灰同

堯母陵下賦

望都城內柏蒼蒼北擁堯山滄遶陽聖實三妃庸輔帝誕惟一子肇封唐劬勞家室懷襄水保抱神靈上下光秦蜀使臣今道出拜稽祇薦井泉香

陵前丈地一井中直厥泉甘冽歲曠不枯

定州春歌

行宮桃花紅書局無多屋宇松葉青韓琦衆春園取徑蘇軾雪浪石置庭周壁

御詩并

御記花光濃護龍鸞宇晴簷鶻語人不驚晚市錫簫風欲至瀦流植樹李宣徽忠獻得園乃名之一礫雄傳帥定語兩孫

堯石齋詩集卷四十一

八

渺托懷鄉辭園嘗復修石復出好事皆屬明人爲四路州軍定居首辛苦宋邊石晉後承平邈迤趙國春望遠披拂秦川柳玉洞先烝萬樹霞今年正上南山壽

漢中山靖王墓

坏土東藩落菜塍記來元鼎五年薨陸城亭有他姬出定武州還故國憑衆响聚蟲誠竊計社麤屋鼠總填膺使旌萬里蕭蕭髮此去成都謁惠陵

新樂

鮮虞亦稱郡故有伏羲臺柳色今朝綠花枝何處開輿丁解寥寂亭午遣裴裒繁峙源來遠沙河日自催

發真定

邢州南界浮橋直石邑西趨疊嶂橫二十年經人已老滹沱
河在水方生花開麥飯蕪萋處馬有函關劍閣行敲鐙一鞭
還一策閱他三晉更何情

井陘口

九塞一井陘井陘卽土門承平指曰口按轡仍馳轅然如累
卵确抑又環嶺旣隨土石街雨作溝水翻多盤愈窘束一
阻難飛騫兵家能用之陷人非至寃是秋破魏代下趙冬猶
陷陘山四面平中央井深智方其度陘來前趨後無援未出
口止舍度今微水村背水因地窄非僅誘使奔所以二十萬
趙初口外屯夜先問道幟疾奪左車言出口旦鼓行佯棄走
所軍餘乃入口逐遂落驚幟魂自陷以陷人陷險同其原用
險以奪險用口惟韓勳山川豈徒設成敗實可論守險何以
失奪險何以存嗟嗟牛口竇入險謠不聞

釋石齋詩集卷四十一

九

固關

井陘之西口明人曰固關高深通一路內外阻重山荒磧春
花少豐年戍角閒趙兵如斷此漢將恐無還

長國寺

曠矣石門口蕭然松樹林餘寒春二月古翠壁千尋座上佛
何語門前人此心由來憑寂寞隨處得幽深

平定

州在萬山中承天寨獨雄題名有韓子記室從裴公誰以懸
泉品非因妬女工南天門曉出料峭奈東風

娘子關旁有懸泉唐李謹作泉銘刻石在

祠如女

壽陽驛

東來三日倦山程趙國唐軍那劇爭谷號鴉兒深有谷城名
馬首半無城園花巷柳懷京輦拔刃莛弓撫鎮兵斜日好蚡
廟西路降香秦蜀自驅旌

夕次太安驛

要羅峰騁望頡紇水潛趨口若是間險心爲來者虞明燈還
就舍飽食自稱儒詎獨騎官馬端宜笑僕夫

榆次

罕山天外碧雲橫汾水東來一曲清使者風光持

御仗縣人鼓吹擁春城藩籬襦袴猶傳李著蔡權衡况有兄
語見唐李光進
光顏兩神道碑難得殿中丞作宰小亭如聽鳳凰聲

祁縣

遙山相夾走高原寒食駸駸氣未溫酒事無功杜康廟隱君

稗石齋詩集卷四十一

十

伯况小韓村東南風急難飄雨桃李花遲只閉園祁老舉賢
如午赤文家陵轍又安論

平遙

搔首青天散晚愁麓臺山迥未之遊鏗鉤北伐論周雅偃蹇
西河得魏侯馮翊詩難別零雨枋頭書不改陽秋鞭梢盡日
成無事苔蘚空牆跡漫留

絳山

絳山亦介山東南益絳連南岡走靈石東嶺跨沁源羈縻國
初返龍蛇書孰懸遺俗有禁火左史云封田潔惠爵嘗錫元
豐勅可論忠廉迹殊似忠廉心未原臣皆義其罪君惟賞其
姦齊桓此誠續王室曷以尊將隱山自深偕隱母自賢非無
後世人已力方貪天

郭有道先生墓

介山擁疊疊汾水環徐先生洵明哲黨禍乃保軀先生長
八尺衰衣博帶儒夜觀晝察夙違親絕俗無閉門既教授獎
訓多生徒人亡國殄瘁不知誰屋烏卒年四十二井柳占斯
區秦西暨梁北彌路方塞途數萬人會葬二千里來趨道非
先生有聞何天下俱古槐大莫圍臭味神明扶蔡碑文則存
寄言涿郡盧

謁文忠烈公祠

勳業故難成恩榮匪徒受公誠事主忠國亦報公厚至今迹
公心入輔出藩久四朝何以歷一事未嘗苟豈惟遺疾時發
端策非偶况于社稷臣丙霍論无咎鬚眉故里瞻香火遺孫
守嘉祐末廻思貝州時在口墓先明道題文終孟子後皤皤

堯石齋詩集卷四十一

十一

會洛陽平格維天壽

自介休至靈石

絕不峰巒起灣環自介休兩山相內向一水只前流是鐵隋
皇石無身漢將頭江都花又盡何況未央秋

韓淮陰墓在嶺上

傍險荒墟獨當春落照空后惟承帝意漢已賴王功蕭相田
無恙留侯穀有終黃塵多殺戮青簡幾英雄

霍州

韓侯嶺越徑哈呀百里高盤下伏窪寂寞山情占隘口蒼茫
戰事忌兵家此道昔人鑿村開堡靜蹄方坦峰起河橫轡轉賒

莫小斗城連冀野峩峩中鎮翊休嘉

趙城

善走生蜚廉傳裔爲造父穆王御以歸遂爾宅茲土奄父又
善御千畝力何努異哉代有聞以走繩其祖成季冬之日宣
孟民之主是皆稱國良非特載盟府嗚呼延陵言後興在趙
武宣獻實惟三唐封竟分取太岳九鎮尊姑射神人數其中
汾水來廣衍非斥鹵天地大難知蓋不勝羅縷海隅雖已驅
世家未亡譜

杏花

杏花村落不勝情二月風光出趙城楊柳插簷人上塚江南
明日作清明

洪洞

社火庭堅廟錫簫子野村綠楊橋外堡紅杏寺邊園霍岳元
爲鎮汾河自有源高瞻羊舌氏遺直至今言

堯石齋詩集卷四十一

三

